

四庫全書

子部

欽定四庫全書

荀子卷五

唐楊倞註

王制篇第九

請問為政曰賢能不待次而舉

不以官之次序若傳說起於版築為相也

罷

不能不待頃而廢

頃頃也

元惡不待教而誅

不教而殺謂之虐惟元惡

不教而誅之也

中庸民不待政而化

中庸民易與為善故教則化之不待政成之後也

分未定也則有昭繆也

繆讀為穆父昭子穆言為政當分未定之時則為之分別使賢

者居上不肖者居下如昭穆之分別然不問其世族也

雖王公士大夫之子孫也

不能屬於禮義則歸之庶人雖庶人之子孫也積文學

正身行能屬於禮義則歸之卿相士大夫

屬整也之欲反

故姦

言姦說姦事姦能遁逃反側之民職而教之須而待之

反側不安之民也職而教之謂使各當教其本事也須而待之謂須暇之而待其遷善也勉之以慶

賞懲之以刑罰安職則畜不安職則弃

畜養也弃謂投四裔之比也

五疾上收而養之材而事之

五疾指聾瞶跛躄斷者侏儒各當其材使之謂若矇瞽

終聾聵瞶司火之屬

官施而衣食之兼覆無遺

官為之施設所職而與之衣食

才

行反時者死無赦夫是之謂天德王者之政也

天德天覆之德

聽政之大分以善至者待之以禮以不善至者待之以

刑兩者分別則賢不肖不雜是非不亂賢不肖不雜則

英傑至是非不亂則國家治若是名聲日聞天下願令

行禁止王者之事畢矣

願謂人人皆願矣

凡聽

論聽政也

威嚴猛厲

而不好假道人

厲剛烈也假道謂以寬和假借道引人也

則下畏恐而不親

周閉而不竭

隱閉其情不竭盡也

若是則大事殆乎弛小事殆乎

遂

弛廢也遂因循也春秋傳曰遂繼事也下既隱情不敢論說則大事近於弛廢小事近於因循言不肯革

弊和解調通好假道人而無所凝止之

和解調通則寬和不拒下也凝

定也故止謂定止其不可也

則姦言並至嘗試之說鋒起

嘗試之說謂假借以

事試為之也莊子曰嘗試論之鋒起謂如鋒刃齊起言銳而難拒也

若是則聽大事煩是

又傷之也

聽大謂所聽之事多也傷傷政也

故法而不議則法之所不

至者必廢

議謂議論也雖有法度而不能議論則不周治故法所不至者必廢也

職而不

通則職之所不及者必隊

雖舉當其職而不能通明其類則職所不及者必隊隊與

同故法而議職而通無隱謀無遺善而百事無過非君

子莫能故公平者職之衡也中和者聽之繩也

聽聽政也衡所

以知輕重絕所以辨曲直言君子用公平中和之道故能百事無過中和謂寬猛得中也其有法者

以法行無法者以類舉聽之盡也

類謂比類

偏黨而無經聽

之辟也

無經謂無常法也辟讀為僻

故有良法而亂者有之矣有君

子而亂者自古及今未嘗聞也傳曰治生乎君子亂生

乎小人此之謂也

其人存則其政舉其人亡則其政息

分均則不偏

分均謂貴

賤敵也分扶問反

勢齊則不一衆齊則不使

此皆名無差等則不可相制也

有

天有地而上下有差明王始立而處國有制

制亦謂差等

夫

兩貴之不能相事兩賤之不能相使是天數也

天之勢數也

位齊而欲惡同物不能澹則必爭

澹讀為聽既無等級則皆不知紀極故不

能足也

爭則亂亂則窮矣

物窮也

先王惡其亂也故制禮義

以分之使有貧富貴賤之等足以相兼臨者是養天下

之本也

使物有餘而不窮竭

書曰維齊非齊此之謂也

書呂刑言維齊一者

乃在不齊以諭有差等然後可以為治也

馬駭輿則君子不安輿

馬駭於車中也

庶

人駭政則君子不安位

駭政不安上之政也

馬駭輿則莫若靜之

庶人駭政則莫若惠之

惠恩也

選賢良舉篤敬興孝悌收

孤寡補貧窮如是則庶人安政矣庶人安政然後君子

安位傳曰君者舟也庶人者水也水則載舟水則覆舟

此之謂也故君人者欲安則莫若平政愛民矣欲榮則莫若隆禮敬士矣欲立功名則莫若尚賢使能矣是君人者之大節也三節者當則其餘莫不當矣三節者不

當則其餘雖曲當由將無益也

曲當謂委曲皆當當丁浪反

孔子曰

大節是也小節是也上君也大節是也小節一出焉一

入焉中君也

謂一得一失也

大節非也小節雖是也吾無觀其

餘矣成侯嗣公聚斂計數之君也

成侯嗣公皆衛君也史記衛聲公卒子成

侯立成侯卒子平侯立平侯卒子嗣君立韓子曰衛嗣公重如耳愛泄姬而恐其皆因愛重以雍己也乃貴薄

疑以敵如耳尊魏妃以偶泄姬曰以是相參也又使過客關市賂之以金後召關市問其有客過與汝金汝迴

遠之關市大恐以嗣公為明察此皆計數之類也

未及取民也

未及謂其才未及取也民謂得

民心子產不取民者也未及為政者也

禮記曰子產猶人之母能食之不能

教之

管仲為政者也未及脩禮者也

言未及教化也

故脩禮者

王為政者彊取民者安聚斂者亡故王者富民霸者富

士

士卒伍也

僅存之國富大夫亡國富筐篚實府庫筐篚已

富府庫已實而百姓貧夫是之謂上溢而下漏

如器之上溢下

漏空虛可立而待也

入不可以守出不可以戰則傾覆滅亡可立

而待也故我聚之以亡敵得之以彊聚斂者召寇肥敵
亡國危身之道也故明君不蹈也王奪之人霸奪之與
彊奪之地

人謂賢人與謂國也彊國之術則奪人地也

奪之人者臣諸侯奪

之與者友諸侯奪之地者敵諸侯臣諸侯者王友諸侯
者霸敵諸侯者危用彊者

用彊力勝人非知彊道者

人之城守人之

出戰而我以力勝之也則傷人之民必甚矣傷人之民
甚則人之民惡我必甚矣人之民惡我甚則日欲與我
鬪人之城守人之出戰而我以力勝之則傷吾民必甚

矣傷吾民甚則吾民之惡我必甚矣吾民之惡我甚則

日不欲為我門人之民日欲與我鬪吾民日不欲為我

鬪是彊者之所以反弱也地來而民去累多而功少

累憂

雖守者益所以守者損是以大者之所以反削也

守者

謂地也守國以地為本故曰守者諸侯莫不懷交接怨

而不忘其敵

交接連結也既以力勝而不義故諸侯皆欲相連結怨國而不忘與之為敵本多作

壞交接言壞其與已交接之道也伺彊大之間承彊大之敝也知彊大

之敝此彊大之殆時也

殆危

知彊大者不務彊也

知彊大之

術者不務以力勝也慮以王命全其力凝其德慮計也以用也其計慮常用王命謂

不敢擅侵暴也凝定也力全則諸侯不能弱也德凝則定其德謂不輕舉也

諸侯不能削也天下無王霸主則常勝矣是知彊道者

也無王霸之主則彊國常勝主或衍字彼霸者不然辟田野實倉廩便備

用備用足用也左傳曰無重器備案謹募選閱材伎之士案發聲謹嚴也募招也謹

募猶重募也選閱擇揀也材伎武藝過人者猶漢之材官也然後漸慶賞以先之漸進

也言進勉嚴刑罰以糾之存亡繼絕衛弱禁暴而無兼以慶賞也

并之心則諸侯親之矣并讀為併下同脩友敵之道以敬接諸

侯則諸侯說之矣

說讀為悅下同

所以親之者以不并也并之

見則諸侯疏之矣

見賢偏反

所以說之者以友敵也臣之見

則諸侯離矣故明其不并之行信其友敵之道

行下孟反信謂

使人不疑

天下無王霸主則常勝矣是知霸道者也

無王者則霸王者

常勝也

閔王毀於五國

史記齊閔王四十年樂毅以燕趙楚魏秦破齊閔王出奔莒也桓

公劫於魯莊

公羊傳柯之盟齊桓公為魯莊公之臣曹劌所劫也

無他故焉非其

道而慮之以王也

不行其道而以計慮為王所以危亡也

彼王者不然仁

眇天下義眇天下威眇天下

眇盡也盡天下皆懷其仁感其義畏其威

仁眇

天下故天下莫不親也義眇天下故天下莫不貴也威

眇天下故天下莫敢敵也以不敵之威輔服人之道其通

可以服人故不戰而勝不攻而得甲兵不勞而天下服是知

王道者也知此三具者欲王而王欲霸而霸欲彊而彊

矣王者之人王者之佐飾動以禮義所脩飾及舉動必以禮義也聽斷以

類所聽斷之事皆得其善類謂輕重得中也明振毫末振舉也言細微必見也舉措應

變而不窮夫是之謂有原是王者之人也原本也知為政之本王

者之制說王者制度也道不過三代法不貳後王論王道不過夏殷周之事

過則久遠雖信法不貳後王言以道過三代謂之蕩法

當世之王為法不離貳而遠取之

並已解上

貳後王謂之不雅

人徒謂士

喪祭械用皆有等宜

械器也皆有等級各當其宜

聲則凡

非雅聲者舉廢

舉皆

色則凡非舊文者舉息

謂染絲畫械續之事也

用則凡非舊器者舉毀

舊謂三代故事

夫是之謂復古是王者

之制也

謂三代故事則是復古必不遠舉也

王者之論

論謂論說賞罰也虛困反

無德

不貴無能不官無功不賞無罪不罰朝無幸位民無幸

生

幸微倖也

尚賢使能而等位不遺

不遺言各當其材位等級之位也

析愿

禁悍而刑罰不過

析分異也分其愿怒之民使與凶悍之民異也悍凶暴也刑罰不過但禁

之而已不刻深也

百姓曉然皆知夫為善於家而取賞於朝也

為不善於幽而蒙刑於顯也夫是之謂定論是王者之

論也

定論不易之論論不易則人知所勸也

王者之等賦政事財萬物所

以養萬民也

等賦賦稅有等所以為等賦及政事裁制萬物皆為養人非貪利也財與裁同田

野什一

什稅一也

關市幾而不征

幾呵察也但呵察姦人而不征稅也禮記幾作譏

山林澤梁以時禁發而不稅

石絕水為梁所以取魚也非時則禁及時則發禮記

日獺祭魚然後漁人入澤梁草木零落然後入山林也

相地而衰政

相視也衰差也政為之輕

重政或讀為征衰初危反

理道之遠近而致貢

理條理也貢任土所貢也謂若百里賦納

總二百里納銓之類也

通流財物粟米無有滯留

貿遠有無化居不使有滯積也

使相歸移也四海之內若一家

歸讀為饋移轉也言通商及轉輸相救無不豐

足雖四海之廣若一家也

故近者不隱其能遠者不疾其勞

不隱其能謂竭

其才力也不疾若其勞謂奔走來王也

無幽間隱僻之國莫不趨使而安

樂之

幽深也間隔也言無有深隔之國不為王者趨使而安樂政教也

夫是之謂人師

是王者之法也

師長也言為政如此乃可以長久也師者亦使人法效之者也

北海則

有走馬吠犬焉然而中國得而畜使之

海謂荒晦絕遠之地不必至海

水也走馬吠犬
今北之大犬也

南海則有羽翮齒革曾青丹干焉然而

中國得而財之

翮大鳥羽齒象齒革犀兕之革曾青銅之精可繪畫及化黃金者出蜀山越崖

丹干丹砂也蓋一名丹干干讀為研胡旦反或曰丹丹砂也玕當為玕尚書禹貢雍州球琳琅玕孔云石而似玉者爾雅云西北方之美者有球琳琅玕馬皆出西方此云南方蓋南方亦有也東海則有紫

紉魚鹽焉然而中國得而衣食之

紫紫具也紉未詳書亦無紉字當為蚶郭

璞江賦曰石蚶應節而揚葩注云石蚶龜形春則生花蓋亦蚌蛤之屬今案本草謂之石決明陶云俗傳是紫具附石生大者如手明耀五色內亦含珠古以龜具為貨故曰衣食之蚶居怯反西海則有皮

革文旄焉然而中國得而用之

禹貢梁州貢熊羆狐狌織皮孔云貢四獸之皮

織皮今之蜀也旄旄牛尾文旄謂染之為文彩者也

故澤人足乎木山人足乎魚

農夫不斲削不陶冶而足械用工賈不耕田而足菽粟

故虎豹為猛矣然君子剝而用之故天之所覆地之所

載莫不盡其美致其用

物皆盡其美而末為人用也

上以飾賢良下

以養百姓而安樂之

飾謂車服養謂衣食

夫是之謂大神

能變通裁制萬

物故曰大神也

詩曰天作高山大王荒之彼作矣文王康之此

之謂也

詩周頌天作之篇荒大也康安也言天作此高山使興雲雨大王自幽遷焉則能尊大之彼大

王作此都文王又能安之

以類行雜

得其統類則不忠於雜也

以一行萬

行於一人則萬

人可治也皆謂得其樞要始則終終則始若環之無端也舍是天下

以衰矣

始謂類與一也終謂雜與萬也言以此道為治終始不窮無休息則天下得其次序舍此則亂

也衰初危反

天地者生之始也禮義者治之始也君子者禮

義之始也

始猶本也言禮義本於君子也

為之貫之積重之致好之者

君子之始也

言禮義以君子為本君子以習學為本貫習也積重之謂學使委積重多也致極也

好之言不傳也

故天地生君子君子理天地君子者天地之參

也萬物之摠也民之父母也

參謂與之相參共成化育也摠領也要也

無君

子則天地不理禮義無統上無君師下無父子夫是之

謂至亂君臣父子兄弟夫婦始則終終則始與天地同

理與萬世同久夫是之謂大本

始則終終則始謂一世始言上下尊卑人之大

本有君子然後可以長久也

故喪祭朝聘師旅一也

此已下明君子禮義之始為之

制喪祭朝聘之禮所以齊一民各當其道不使淫放也下一之義皆同

貴賤殺生與奪一

也

使民一於沮勸

君君臣臣父父子子兄弟第一也

使民一於恩義

農農士士工工商商一也

使民一於職業

水火有氣而無生草

木有生而無知

生謂滋長知謂性識

禽獸有知而無義人有氣有

生有知亦且有義故最為天下貴也

亦且者言其中亦有無義者也

力

不若牛走不若馬而牛馬為用何也曰人能羣彼不能

羣也人何以能羣曰分

無分則爭爭則不能羣也

分何以能行曰以

義故義以分則和

言分義相須也義謂裁斷也

和則一一則多力多

力則彊彊則勝物故宮室可得而居也

物不能害所以安居

故序

四時裁萬物兼利天下無他故焉得之分義也

以有分義故能

治天下也

故人生不能無羣羣而無分則爭爭則亂亂則離

離則弱弱則不能勝物故宮室不可得而居也不可少

頃舍禮義之謂也能以事親謂之孝能以事兄謂之悌

能以事上謂之順能以使下謂之君

能以皆謂能以禮義也

君者

善羣也

善能使人為羣也

羣道當則萬物皆得其宜六畜皆得

其長羣生皆得其命

安其性命

故養長時則六畜有殺生時

則草木殖

殺生斬伐

政命時則百姓一賢良服聖王之制也

時謂有常服謂為之任使也

草木榮華滋碩之時則斧斤不入山林

不夭其生不絕其長也鼃鼃魚鼃鱣孕別之時

別謂生育

與母分別也國語里革諫魯公曰魚方別孕韋昭曰自別於雄而懷子也

罔罟毒藥不入澤

不夭其生不絕其長也

毒藥毒魚之藥周禮雍氏禁澤之醢者

春耕夏耘

秋收冬藏四者不失時故五穀不絕而百姓有餘食也

汙池淵沼川澤謹其時禁

汙傳水之處謹嚴也

故魚鼈優多而百

姓有餘用也

用謂食足之外可用貿易也

斬伐養長不失其時故山

林不童而百姓有餘材也

山無草木曰童

聖王之用也

用財上也

察於天下錯於地

順天時以養地財也錯干故反

塞備天地之間加施

萬物之上

言聖王之用使天地萬物皆得其所

微而明短而長狹而廣

言用

禮義故所守者近所及者遠也

神明博大以至約

言用禮義治化雖神明博大原其本至簡

約也故曰一與一是為人者謂之聖人

一與一動皆一也是此也以此為人

者則謂之
聖人也

序官

謂王者序
官之法也

宰爵知賓客祭祀饗食犧牲

牢之數

牢膳牢爵主宰也饗食饗宴也周禮膳夫之屬
有庖人獸人皆掌犧牲一曰爵官爵也言膳宰

之官爵掌犧
牲之事者也

司徒知百宗城郭立器之數

百宗百揆也
城郭謂其小

大也立器所立之器用也周禮大司徒之職掌建邦土
地之圖與其民之數立器言五方器械異制皆知其數
不使作奇
司馬知師旅甲兵乘白之數

周禮二千五百
人為師五百人

為旅四井為邑四邑為丘四丘為甸亦謂之乘以其治
田則謂之甸出長轂一乘則謂之乘每一乘又有甲士
三人步卒七十二人自謂甸徒猶今
之白丁也或曰白當為百百人也

脩憲命

脩憲法之
命所以表

示人也謂若以樂德教國
子中和祇庸孝友之類也

審詩商

詩商當為誅賞字體
及聲之誤故樂論篇

曰其在序官也脩憲命審誅賞其徒屬之功過者或曰詩謂四方之歌謠商謂商聲哀思之音如寧戚之悲歌

也

禁淫聲

周禮大司樂禁其淫聲慢聲鄭云淫聲鄭衛之音也

以時順脩

謂不失其時而

順之

使夷俗邪音不敢亂雅大師之事也

夷俗謂蠻夷之樂雅正聲

也大師樂官之

脩堤梁

堤所以防水梁橋也

通溝澮

溝澮皆所以通水周禮十

長大讀為太

夫之田有溝溝上有畛千夫有澮澮上有道

行水潦

行

行也下

安水藏

使水歸其壑安謂不使漏洩藏才浪反

以時決塞

旱則決之水則

塞之不使失其時也

歲雖凶敗水旱使民有所耘艾司空之事也

艾讀

為川相高下視肥瘠序五種

高下原隰也五種黍稷豆麻麥觀其地所宜而種之

欽定四庫全書

荀子
卷五

十三

境苦
交反

省農功

省觀也觀其勤惰而勸之

謹畜藏

謹

以時順脩使農夫

樸力而寡能治田之事也

使農夫敦朴於力穡禁其他能也治田田畷也

脩火

憲

不使非時焚山澤月令二月無焚山林鄭注周禮憲表也主表其刑禁也

養山林藪澤草

木魚鼈百索

百索上所索百物也

以時禁發

禁謂為之厲禁發謂許民採取

使國

家足用而財物不屈虞師之事也

屈竭也虞師周禮山虞澤虞也

順州

里

使之和順

定廛宅

廛謂市內百姓之居宅謂邑內居也定其分界不使相侵奪也

養六畜

勸人養之也

間樹藝

樹藝種樹及桑柘也間之使疏密得宜也

勸教化趨孝悌

勸之

使從教化趨之使敦孝悌趨諄為促

以時順脩使百姓順命安樂處鄉鄉

師之事也

鄉師公卿也周禮鄉老二鄉公一人鄉大夫每鄉卿一人

論百工

論其巧拙月令

曰物勒工名以攻其成功苟有不當必行其罪也

審時事

考工記曰天有時地有氣材有美工有巧

合此四者然後可以為良月令曰監辨功苦

功謂器之精好者苦

謂濫惡者韋昭曰功堅苦脆也

尚完利

完堅也利謂便於用若車之利轉之類也

便備用使

雕琢文采不敢專造於家工師之事也

專造私造也

相陰陽

相視也陰陽謂數也

占祲兆

占占候也祲陰陽相侵之氣赤黑之兆是其類也兆謂龜兆或曰兆萌兆

謂望其雲物知歲之吉凶也

鑽龜陳卦

鑽龜謂以火爇荊華灼之也陳卦謂揲著布卦也

主

禘擇五卜

禘擇禘除不祥擇取吉事也五卜洪範所謂曰雨曰霽曰蒙曰駢曰克言兆之形也

其吉凶妖祥偃巫跛擊之事也

擊讀為現男巫也古者以廢疾之人主卜筮巫

祝之事故曰偃巫

脩採清

脩其採清之事採謂採去其穢清謂使之清潔皆謂除道

路穢惡也周禮蜡氏掌除

騫凡

易道路

脩而

謹盜賊

謹

禁也周禮野廬氏曰

平室律

平均布也室逆旅之室平其室之法皆不使容姦人

若今五家為保也

以時順脩使賓旅安而貨財通治市之事也

此皆周禮野廬氏之職今云治市蓋七國時設官不同治市之官兼掌道路不必全依周禮制據當時掌事言之

拊急禁悍

拊當為折急當為慮已解上也

防淫除邪戮之以五刑使

暴悍以變姦邪不作司寇之事也本政教立法則兼聽

而時稽之

稽計也考也周禮太宰歲終則令百官府各正其治受其會而詔王廢置三歲則大計也

度其功勞論其慶賞以時慎脩使百吏免盡而衆庶不偷冢宰之事也論禮樂正身行廣教化美風俗兼覆而調一之辟公之事也全道德致隆高纂文理一天下振毫末使天下莫不順比從服天王之事也故政事亂則冢宰之罪也國家失俗則辟公之過也天下不一諸侯俗反則天王非其人也具具而王具具而霸具具而存具具而亡用萬乘之國者威彊之所以立也名聲之所

以美也敵人之所以屈也國之所以安危滅否也制與
在此亡乎人王霸安存危殆滅亡制與在我亡乎人夫
威彊未足以殆鄰敵也名聲未足以懸天下也則是國
未能獨立也豈渠得免夫累乎天下脅於暴國而黨為
吾所不欲於是者日與桀同事同行無害為堯是非功
名之所就也非存亡安危之所墮也功名之所就存亡
安危之所墮必將於愉殷赤心之所誠以其國為王者
之所亦王以其國為危殆滅亡之所亦危殆滅亡殷之

日案以中立無有所偏而為縱橫之事偃然案兵無動以觀夫暴國之相卒也案平政教審節奏砥礪百姓為是之日而兵剽天下勁矣案脩仁義伉隆高正法則選賢良養百姓為是之日而名聲剽天下之美矣權者重之兵者勁之名聲者美之夫堯舜者一天下也不能加毫末於是矣權謀傾覆之人退則賢良知聖之士案自進矣刑政平百姓和國俗節則兵勁城固敵國案自屈矣務本事積財物而勿忘棲遲薛越也是使羣臣百姓

皆以制度行則財物積國家案自富矣三者體此為天下服暴國之君案自不能用其兵矣何則彼無與至也彼其所與至者必其民也其民之親我歡若父母好我芳若芝蘭反顧其上則若灼黥若仇讐彼人之情性也雖桀跖豈有肯為其所惡賊其所好者哉彼以奪矣故古之人有以一國取天下者非往行之也脩政其所莫不願如是而可以誅暴禁悍矣故周公南征而北國怨曰何獨不來也東征而西國怨曰何獨後我也

重意書仲虺之

詰初征自葛東征西夷怨
南征北狄怨曰奚獨後予
就能有與是關者與安以其

國為是者王殷之日安以靜兵息民慈愛百姓辟田野
實倉廩便備用安謹募選閱材伎之士然後漸賞慶以
先之嚴刑罰以防之擇士之知事者使相率貫也是以
厭然畜積脩飾而物用之足也兵革器械者彼將日日
暴露毀折之中原我今將修飾之拊循之掩蓋之於府
庫貨財粟米者彼將日日棲遲薛越之中野我今將畜
積并聚之於倉廩材伎股肱健勇爪牙之士彼將日日

拙頊竭之於仇敵我今將來致之并閔之砥礪之於朝廷如是則彼日積弊我日積完彼日積貧我日積富彼日積勞我日積佚君臣上下之間者彼將厲厲焉日日相離疾也我今將頊頊焉日日相親愛也以是待其弊安以其國為是者霸立身則從傭俗事行則遵傭故進退貴賤則舉傭士之所以接下之人百姓者則庸寬惠如是者則安存立身則輕楛事行則蠲疑進退貴賤則舉佞悅之所以接下之人百姓者則好取侵奪如是者

危殆立身則僥暴事行則傾覆進退貴賤則舉幽險詐
故人之所以接下之人百姓者則好用其死力矣而慢
其功勞好用其藉歛矣而忘其本務如是者滅亡此五
等者不可不善擇也王霸安存危殆滅亡之具也善擇
者制人不善擇者人制之善擇之者王不善擇之者亡
夫王者之與亡者制人之與人制之也是其為相懸也
亦遠矣

荀子卷五

欽定四庫全書

荀子卷六

唐 楊倞 註

富國篇第十

萬物同宇而異體

同生宇內形體有異

無宜而有用

雖於人無常定之宜皆有

可用人之理必在理得其道使之不爭然後可以富國也

為人數也人倫並處同求

而異道同欲而異知

倫類也並處羣居也其在人之法數則以類羣居也同求異道謂或

求為善或求為惡此人之性也

生也皆有可也知愚同所可異也知愚

分

可者遂其急之謂也

勢同而知異行私而無禍縱欲而不窮則

民心奮而不可說也

禍患也窮極也奮謂起而爭競也說讀為悅若縱情性而無分則民

心奮起爭競而不可悅服也

如是則知者未得治也知者未得治則

功名未成也

功名之立由於任智

功名未成則羣衆未懸也

有功名者

居上無功名者居下然後羣衆懸隔若未有功名則羣衆齊等

羣衆未懸則君臣未立

也

既無懸隔則未有君臣之位也

無君以制臣無上以制下天下害生

縱欲

無上下相制則天下之害生於各縱其欲也

欲惡同物欲多而物寡寡

則必爭矣

同物謂飲食男女人之大欲存焉死亡貧苦人之大惡存焉是賢愚同有此情也無君上

之制各恣其欲則物不能贍故必爭之也

故百技所成所以養一人也

技功也一

人君上也言百工所成之衆物所以養而能不能養技

一人是物多而所奉者寡故能治也雖能者亦不養其技功使有分也謂

梓匠輪輿各安其業則治離之則亂人不能兼官

皆使專一

於分不二事也謂若變典樂稷播種之類離居不相待則窮羣而無分則爭

不相待遺棄也窮謂為物所困也此言不羣則不可羣而無分亦不可也窮者患也爭者禍

也救患除禍則莫若明分使羣矣

此已上皆明有分則能羣然後可以富國

也彊脅弱也知懼愚也民下違上少陵長不以德為政

使如分義如是則老弱有失養之憂而壯者有分爭之禍矣

老弱不能以自存故憂失養壯者以力相勝故有分爭也

事業所惡也功利所

好也職業無分

事業謂勞役之事人之所惡職業謂官職及四人之業也必使各供其職各從

所務若無分則莫不惡勞而好逸也如是則人有樹事之患而有爭功之

禍矣

樹立也若無分則人人患於樹立己事而爭人之功以此為禍也

男女之合夫婦

之分

合配也分謂人各有偶也

婚姻聘內送逆無禮

婦之父為婚婦之父為姻言婚

姻者皆以二人之命也聘問名也內讀為納納幣也送致女逆親迎也

如是則人有失合

之憂而有爭色之禍矣

夫合謂喪其配偶也

故知者為之分也

知如

字知者謂知治道者又讀為智皆通

足國之道

明富國之術也

節用裕民而善藏

其餘

裕謂優饒也善藏其餘謂雖有餘不耗損而善藏之

節用以禮裕民以政

以禮

謂用不過度以政
謂取之有道也

彼裕民故多餘

人得優饒務於
力作故多餘也裕民

則民富民富則田肥以易

易謂耕
墾平易

田肥以易則出實百

倍

所出穀
實多也

上以法取焉而下以禮節用之

法取謂什一
也以禮節用

謂不妄
耗費也

餘若丘山不時焚燒無所藏之

以言多
之極也

夫君子

奚患乎無餘

以墨子
憂不足

故知節用裕民則必有仁義聖良

之名而且有富厚邱山之積矣

名實
皆美

此無他故焉生於

節用裕民也不知節用裕民則民貧民貧則田瘠以穢

貧則力不足
耕耨失時也

田瘠以穢則出實不半

不得
其半

上雖好取侵

奪猶將寡獲也。而或以無禮節用之，則必有貪利糾譌之名。而且有空虛窮乏之實矣。

糾察也。譌發人罪也。音矯。

此無他

故焉。不知節用裕民也。康誥曰：弘覆乎天，若德裕乃身。

此之謂也。

弘覆如天，又順於德，是乃所以寬裕汝身。言百姓足，君孰與不足也。

禮者貴賤

有等，長幼有差，貧富輕重皆有稱者也。

稱尺證反。

故天子祿

袞衣冕。

袞古朱字。袞字與袞同。畫龍於衣，謂之袞。朱袞以朱為質也。衣冕猶服冕也。

諸侯玄

袞衣冕。

謂上公也。周禮公之服自袞冕而下，如王之服也。

大夫裨冕。

衣裨衣而服冕，謂祭

服也。天子六服大裘為上，其餘為裨。裨之言卑也。以士事尊卑服之，諸侯已下亦服焉。鶩冕、絺冕皆是也。

士

皮弁服

皮弁謂以白鹿皮為冠象上古也素積為裳用十五升布為之積猶辟也辟感其腰中故謂之

素積也

德必稱位位必稱祿祿必稱用由士以上則必以

禮樂節之衆庶百姓則必以法數制之

君子用德小人用刑

量地

而立國

謂若王制天子之縣內九十三國也

計利而畜民

謂若周制計一鄉地利所出畜

萬二千

度人力而授事

謂若一夫受田百畝

使民必勝事事必出

利利足以生民皆使衣食百用出入相拊

百用雜用養生送死之類

出出財也入入利也拊覆蓋也出入相拊謂量入為出使覆蓋不致絕也

必時藏餘謂之稱

數

足用有餘則以時藏之此之謂有稱之術數也

故自天子通於庶人事無大

小多少由是推之故曰朝無幸位民無幸生此之謂也

上下所為之事皆以稱數推之故無微幸之徒無德而祿謂之幸位惰游而食謂之幸生也

輕田野

之稅平闕市之征

平猶除也謂
議而不征也

省商賈之數

省減也謂
使農夫家

也

罕興力役無奪農時如是則國富矣夫是之謂以政

裕民

此以政優饒
民之術也

人之生不能無羣羣而無分則爭爭

則亂亂則窮矣

窮

故無分者人之大害也有分者天下

之本利也

本當
為大

而人君者所以管分之樞要也

樞戶
樞也故

美之者是美天下之本也

美謂美
其有分

安之者是安天下之

本也貴之者是貴天下之本也古者先王分割而等異

之也

以分割制之以等差異之

故使或美或惡或厚或薄或佚或樂

或劬或勞

美謂褒寵惡謂刑戮厚薄貴賤也在位則佚樂百姓則劬勞也

非特以為淫

泰夸麗之聲將以明仁之文通仁之順也

仁謂人也言為此上事不

惟使人瞻望自為夸大之聲將以明仁人乃得此文飾言至貴也通仁人乃得此順從言不違其志也

故

為之彫琢刻鏤黼黻文章

玉謂之彫亦謂之琢木謂之刻金謂之鏤白與黑謂之黼

黑與青謂之黻青與赤謂之文赤與白謂之章

使足以辨貴賤而已不求其觀

不求使人觀望也古亂反

為之鐘鼓管磬琴瑟箏笙使足以辨吉凶

合歡定和而已不求其餘

和謂和氣餘謂過度而作鄭衛者也

為之宮室

臺榭使足以避燥濕養德辨輕重而已不求其外

德謂君上

之德輕重尊卑也外謂峻宇彫牆之類也

詩曰彫琢其章金玉其相疊疊我

王網紀四方此之謂也

詩大雅棫樸之篇相質也疊疊勸勉之貌言彫琢為文章又以

金玉為質勉力為善所以紀網四方也與詩義小異也

若夫重色而衣之重味而

食之重財物而制之合天下而君之

重多也直用反

非特所以

為淫泰也固以為王天下治萬變材萬物

材與裁同

養萬民

兼制天下者為莫若仁人之善也夫故其知慮足以治

之其仁厚足以安之其德音足以化之得之則治失之

則亂百姓誠賴其知也故相率而為之勞苦以務佚之

以養其知也

知讀智

誠美其厚也故為之出死斷亡以覆

救之以養其厚

厚謂恩厚也出死謂出身致死斷猶判也言判其死亡也覆蓋蔽也斷丁亂反

誠美其德也故為之彫琢刻鏤黼黻文章以藩飾之以

養其德

有德者宜備藩衛文飾也

故仁人在上百姓貴之如帝

天帝也

親之如父母為之出死斷亡而愉者

愉散

無他故焉其所

是焉誠美其所得焉誠大其所利焉誠多

是謂可其意也言百姓所

得者多故親愛之也

詩曰我任我輦我車我牛我行既集蓋云歸

哉此之謂也

詩小雅黍苗之篇引此以明百姓不憚勤勞以奉上鄭云集猶成也蓋猶皆也轉餽

之役有負任者有輓輦者有將車者有牽傍牛者事既成名伯則皆告之云可以歸矣

故曰君子

以德小人以力

君子以德撫下故百姓以力事上也

力者德之役也

力為德所

役使

百姓之力待之而後功

百姓雖有力待君上所使然後有功也

百姓之

羣待之而後和百姓之財待之而後聚百姓之勢待之

而後安百姓之壽待之而後長

皆明待君上之德化然後無爭奪相殺父

子不得不親兄弟不得不順男女不得不歡少者以長

老者以養故曰天地生之聖人成之此之謂也

古者有此語引

此以明之也

今之世而不然厚刀布之歛以奪之財重田野

之稅以奪之食苛關市之征以難其事

苛暴也征亦稅也苛關市之征

出入賣買皆有稅也使貨不得流通故曰難其事也

不然而已矣

不惟如此而已

有拮拏

伺詐權謀傾覆以相顛倒以靡弊之

有讀為又持據其事拮拏其過伺候

其罪詐偽其辭顛倒反覆也靡盡也弊敗也或曰靡讀為靡靡散也弊盡也

百姓曉然皆知

其汙漫暴亂而將大危亡也

汙漫皆穢行也漫莫半反

是以臣或弑

其君下或殺其上弑其城倍其節而不死其事者無他

故焉人主自取之

粥其城謂以城降人以為己利節忠節也此皆由上無恩德故下亦傾覆

也

詩曰無言不讐無德不報此之謂也

詩大雅抑之篇

兼足天

下之道在明分掩地表畝

掩地謂耕田使地相掩表明也謂明其經界使有畔也

刺少殖穀

刺絕也少古草字也

多糞肥田是農夫衆庶之事也守

時力民

守時敬授人時力民使之疾力

進事長功

進其事業長其功利

和齊百姓

使民不偷是將率之事也

將率猶主領也若今宰守

高者不旱下者

不水寒暑和節而五穀以時熟是天下之事也

是天下豐穰之

事非由人力也

若夫兼而覆之兼而愛之兼而制之歲雖凶敗

水旱使百姓無凍餒之患則是聖君賢相之事也墨子之言昭昭然為天下憂不足夫不足非天下之公患也

非公共之患也

特墨子之私憂過計也今是土之生五穀也人

善治之則畝數盈一歲而再獲之

蓋當時以盆為量考工記曰盆實二鬴墨

子曰子墨子弟子仕於衛而反子曰何故反曰與我言而不當曰待汝以十盆授我五百盆故去之獲讀為獲

然後瓜瓞棗李一本數以盆鼓

一本一株也鼓量也禮記曰獻米者操量鼓數

以盆鼓謂數度以盆量也言然

然後葷菜百疎以澤量

後謂除五穀之外更有此果實葷辛菜也疎與蔬同以澤量言滿澤也猶俗量牛馬然後義與上同也

然後六畜禽獸一

切而剗車

剗與專同言一獸滿一車也

鼃鼃魚鼃鱖鱣以時別一而

成羣

別謂生育與母分別也以時別謂不及其生使得成遂也一而成羣言每一類皆得成羣也

然

後飛鳥鳬鴈若烟海

遠望如烟之覆海皆言多也

然後昆蟲萬物生

其間

昆蟲蟻蝻蝻之屬也除大物之外其間又有昆蟲萬物鄭云昆明也得陽而出得陰而藏之蟲也

可以相食養者不可勝數也夫天地之生萬物也固有

餘足以食人矣麻葛繭絲鳥獸之羽毛齒革也固有餘

足以衣人矣

衣去聲

夫有餘不足非天下之公患也特墨

子之私憂過計也天下之公患亂傷之也胡不嘗試相

與求亂之者誰也我以墨子之非樂也則使天下亂墨

子之節用也則使天下貧非將墮之也說不免焉

非將墮

墨子論說不免如此

墨子大有天下小有一國

天子諸侯

將感然衣麤

食惡憂戚而非樂

墨子言樂無益於人故作非樂篇無樂則人情憂戚故曰憂戚而非樂也

若是則瘠瘠則不足欲不足欲則賞不行

瘠奉養既薄則

不能足其欲欲既不足則賞何能行乎言皆由不顧賞也夫賞以富厚故人勸勉有功勞者而與之麤衣惡食是常道廢也莊子說墨子曰其生也勤其死也薄其道大敝郭云敝無潤也義與瘠同敝苦角反

墨子

大有天下小有一國將少人徒省官職

省所景反

上功勞苦

與百姓均事業齊功勞

謂君臣並耕而食饗食而治

若是則不威不

威則賞罰不行

上下懸隔故得以法臨馭若君臣齊等則威不立矣

賞不行則賢

者不可得而進也罰不行則不肖者不可得而退也

賞罰

所以進賢而退不肖

賢者不可得而進也不肖者不可得而退也

則能不能不可得而官也

不可置於列位而廢置也

若是則萬物失

宜事變失應上失天時下失地利中失人和

賞罰不行賢惡一貫

故有斯弊

天下敖然若燒若焦

敖讀為焚若燒若焦言萬物寡少如被燒焚然

墨子

雖為之衣褐帶索嚙菽飲水惡能足之乎

嚙與啜同惡與烏同

既

以伐其本竭其原而焦天下矣故先王聖人為之不然
知為人主上者不美不飾之不足以一民也不富不厚
之不足以管下也

管猶
包也

不威不彊之不足以禁暴勝悍

也故必將撞大鐘擊鳴鼓吹笙竽彈琴瑟以塞其耳必
將銅琢刻鏤黼黻文章以塞其目

銅與
彫同

必將芻豢稻粱

五味芬芳以塞其口

塞猶
充也

然後衆人徒備官職漸慶賞

漸嚴刑罰以戒其心使天下生民之屬皆知己之所願

欲之舉在于是也故其賞行

舉皆也于是猶言是于言
生民所願欲皆在是于也

說苑亦作是于也

皆知己之所畏恐之舉在于是也故其罰威

其罰

可畏賞行罰威則賢者可得而進也不肖者可得而退

也能不能可得而官也若是則萬物得宜事變得應上

得天時下得地利中得人和則財貨渾渾如泉源

渾渾水流水

貌如泉源言不絕也渾戶本反

汭汭如河海

汭讀為滂水多貌也

暴暴如丘山

暴暴

卒起之貌言物多委積高大如邱山也

不時焚燒無所藏之夫天下何患

乎不足也故儒術誠行則天下大而富使有功

大讀為秦優秦

也使謂為上之使可使則有功者也

撞鐘擊鼓而和詩曰鐘鼓喤喤聲亮

將將降福穰穰降福簡簡威儀反反既醉既飽福祿來

反此之謂也

詩周頌執競之篇毛云噍噍將將皆聲和貌穰穰衆也簡簡大也鄭云反反順習之

貌反復也

故墨術誠行則天下尚儉而彌貧非闕而日爭

墨子

有非政篇非政則非闕也既上失天時下失地利則物出必寡雖尚儉而民彌貧物不能贍雖以闕為非日日

爭競也

勞苦頓萃而愈無功愀然憂戚非樂而日不和

說文

云頓下首也萃與頓同上下不能相制雖勞苦頓萃猶將無益也鄭注禮記云愀然變動貌

詩曰天

方薦瘥喪亂弘多民言無嘉惜莫懲嗟此之謂也

詩小雅節

南山之石薦重也瘥病也惜曾也懲止也嗟奈何薦或作荐

垂事養民

垂下也以上所採持之事

下就於民而春之謂施小惠

拊循之吮呿之

拊與撫同撫循恩悅也吮呿嬰兒語聲也吮於

佳反呿與呿同

冬日則為之饘粥夏日則與之瓜麩

麩麥麥飯也丘舉反

以偷取少頃之譽焉是偷道也可以少頃得姦民之譽

然而非長久之道也事必不就功必不立是姦治者也

姦人為治偷取其譽儻然要時務民

儻然盡人力貌說文云儻終也要時趨時也務勉強也謂

以勞役強民也儻進事長功

益上之功利也

輕非譽而恬失民

恬安也言不顧下之毀譽而安然忘於失民也

事進矣而百姓疾之

事雖長進而百姓怨

是又不可偷偏者也

言亦不可苟且偏為此勞苦民之事也

徒壞墮落必

反無功

雖苟求功利旋即毀壞墮落必反無成功也

故垂事養譽不可以遂

功而忘民亦不可皆姦道也

用以

故古人為之不然使民

夏不宛暘

使民謂役使民也宛讀曰蘊暑氣也詩曰蘊隆蟲蟲暘傷暑也或曰宛當為奧篆文宛字

與奧字略相似遂誤耳與與六反熱也

冬不凍寒急不傷力緩不後時

皆謂

量民之力不使有所傷害

事成功立上下俱富而百姓皆愛其上

人歸之如流水親之歡如父母為之出死斷亡而愉者無

他故焉忠信調和均辨之至也

均平均辨明察

故君國長民者

欲趨時遂功則和調累解速乎急疾忠信均辨說乎賞

慶矣必先脩正其在我者然後徐責其在人者威乎刑

罰

自故君國長民以下其義未詳亦恐脫誤或曰累解

累解解釋也言君長人欲趨時遂功者若和調而使

信均辨則民悅乎慶責若先責已後責人則民畏乎刑

買切說讀為悅三德者誠乎上則下應之如影嚮謂三德

和解累忠信均辨正己而後責人也誠乎上謂上誠雖

疾此之謂也

書康誥懋勉也言君大明以服下則勉力為調和而疾速以明效上之急也

故

不教而誅則刑繁而邪不勝教而不誅則姦民不懲誅

而不賞則勤屬之民不勸

屬謂著於事業之
或反或讀為厲

誅賞而不

類則下疑俗儉而百姓不一

不類不以其類謂賞不當
功罰不當罪儉當為險險

謂微幸免罪
苟且求賞也

故先王明禮義以一之致忠信以愛之尚

賢使能以次之爵服慶賞以申重之

申亦重也
再令曰申

時其事

輕其任以調齊之

時其事謂使人趨時不奪之
也輕其任謂量力而使也

潢然兼

覆之養長之如保赤子

潢與澆同潢然
水大至之貌也

若是故姦邪不

作盜賊不起而化善者勸勉矣

化善化而
為善者也

是何耶則其

道易

平易
可行

其塞固其政令一

其所充塞
民心者固

其防表明

隄防
標表

明白
易識

故曰上一則下一笑上二則下二笑辟之若少木

枝葉必類本此之謂也

辟讀為譬
少古草字

不利而利之不如利

而後利之之利也不愛而用之不如愛而後用之之功

也利而後利之不如利而不利者之利也愛而後用之

不如愛而不用者之功也利而不利也愛而不用也者

取天下矣利而後利之愛而後用之者保社稷也不利

而利之不愛而用之者危國家也觀國之治亂臧否至

於疆易而端已見矣

易與場同端首
也見賢適反

其候徽支繚

候斥
候徽

避也支繇支分繇
繞言委曲避警也

其竟闕之政盡察

竟與境同盡察極
察言無不察也

是亂國已

亂國多盜賊姦人
故用苛察之政也

入其境其田疇穢都邑路

是貪主已

路謂無城郭墻垣主貪
財民貧力不足故路也

觀其朝廷則其貴者

不賢觀其官職則其治者不能觀其使嬖則其信者不

慤是闇主已

使嬖左右小臣寵幸者也信者不慤所
親信者不慤也主闇故姦人多容也

凡

主相臣下百吏之俗其於貨財取與計數也須熟盡察

俗謂風俗取謂賦歛與謂賜與計數計算也須待也熟
精熟也盡察極察也其於計數貨財必待精熟極察然
後行言不簡易
急於貪利者也

其禮義節奏也芒韌慢梏是辱國已

禮義

節奏謂行禮義之節文芒昧也或讀為荒言不習熟也
軻柔也亦怠惰之義侵與慢同搭不堅固也辱國言必
見凌辱也其耕者樂田其戰士安難其百吏好法其朝廷隆

禮其卿相調議是治國已

安難不逃難也

觀其朝廷則其貴者

賢觀其官職則其治者能觀其便嬖則其信者慤是明
主已凡主相臣下百吏之俗其於貨財取與計數也寬

饒簡易

不汲汲於貨財也

其於禮義節奏也陵謹盡察是榮國

已

陵侵陵言深於禮義也謹嚴也言不敢慢易也

賢齊則其親者先貴能齊則

其故者先官

雖舉在至公而必先親故所謂故舊不遺則民不偷

其臣下百吏汙

者皆化而脩悍者皆化而愿躁者皆化而慤是明主之

功已

躁暴急之人也

觀國之彊弱貧富有徵驗

徵驗言其驗先見也

上不

隆禮則兵弱上不愛民則兵弱已諾不信則兵弱慶賞

不漸則兵弱

漸進

將率不能則兵弱

率與帥同

上好攻取功則

國貧

民不得安業也

上好利則國貧

賦斂重也

士大夫衆則國貧

所謂

三百赤帶

工商衆則國貧

農桑者少也

無制數度量則國貧

不為限量

則物耗費

下貧則上貧下富則上富

百姓足君孰與不足

故田野縣鄙

者財之本也垣窳倉廩者財之末也

垣築牆四周以藏穀也窳害也掘地

藏穀也穀藏曰倉米藏曰庫帛匹教反百姓時和事業得叙者貨之源也

等賦府庫者貨之流也時和得天之和氣謂歲豐也事業得叙耕稼得其次序上不奪

農時也等賦以差等制賦貨財皆錢穀穀通名別故明主而言之則粟未布帛曰財錢布龜貝曰貨也

必謹養其和節其流開其源而時斟酌焉節謂薄歛開謂勸課時斟酌

酌謂賦歛賑卹潢然使天下必有餘而上不憂不足如豐荒有制也

是則上下俱富交無所藏之是知國計之極也交無所藏言上

下不相隱故禹十年水湯七年旱而天下無菜色者十年之

後年穀復熟而陳積有餘無食菜之色也是無他故焉知本末

源流之謂也故田野荒而倉廩實百姓虛而府庫滿夫

是之謂國蹙

蹙傾倒也

伐其本竭其源而并之其末然而主

相不知惡也則其傾覆滅亡可立而待也以國持之而

不足以容其身夫是之謂至貪是愚主之極也

以一國扶持之

至堅固也而無所容其身者貪也

將以求富而喪其國將以求利而危

其身古有萬國今有十數焉是無他故焉其所以失之

一也

皆以貪失之也

君人者亦可以覺矣

以此自覺悟也

百里之國足

以獨立矣

此言無道則雖大必至滅亡有道則雖小足以獨立也

凡攻人者非以

為名則案以為利也不然則忿之也

凡攻伐者不求討亂征暴之名則求

貨財土地之利不然則以忿怒不出此三事也為于偽反

仁人之用國將脩志意正

身行

用為也行下孟反

仇隆高

仇舉也舉崇高遠大之事

致忠信期文理

期當

為暴極文理謂其有條貫也

布衣紉屨之士誠是則雖在窮閭漏屋

而王公不能與之爭名

紉條也謂編麻為之屨繩之屨也或讀為穿王公不能與之爭

名過王公也

以國載之則天下莫之能隱匿也

載猶任也以國委任賢士

則天下莫能隱匿言其國聲光大也

若是則為名者不攻也

伐有道抵成惡名故不攻

也
將辟田野實倉廩便備用上一心三軍同力與之

遠舉極戰則不可

遠舉縣君於遠也極戰苦戰也彼暴國欲與我如此則不可也

境內

之聚也保固視可

其境內屯聚則保其險固視其可進謂觀釁而動也

午其軍取

其將若撥韃

午讀為迂遇也周禮邊人職云朝事之蓬其實韃黃鄭云韃髮麥今河間以此髮種

步賣之名曰韃據鄭之說韃麥之牙藥也至脫弱故以喻之若撥韃如以手撥韃也韃與豐同彼得之

不足以藥傷補敗

藥猶醫也彼縱有所得不足以藥其所傷補其所敗言所獲不如所亡也

彼愛其爪牙畏其仇敵若是則為利者不攻也

愛己之爪牙畏

與我為仇敵為于偽反

將脩小大彊弱之義以持慎之

慎讀為順修小事大

弱事彊之義守持此道以順大國

禮節將甚文珪壁將甚碩貨賂將甚

厚

文謂敬事之威儀也珪璧所用聘好之物碩大也

所以說之者必將雅文辯

慧之君子也

所使行人往說之者則用文雅禮讓之士說音稅

彼苟有人意焉

夫誰能忿之若是則忿之者不攻也為名者否為利者

否為忿者否

否不攻也為于偽反

則國安于盤石壽於旗翼

盤石盤薄

大石也旗讀為箕箕翼二十八宿名言壽比於星也莊子曰傳說得之乘東維騎箕尾而比於列宿亦其類也或曰禮記百年曰期願鄭云期要也願養也

人皆亂我獨治人皆危我獨安

人皆失喪之我獨按起而制之

或曰按然後也

故仁人之用國

非特將持其有而已也又將兼人

不惟持其所有而已

詩曰淑人

君子其儀不忒其儀不忒正是四國此之謂也

曹風鵲鳩之篇

持國之難易

論守國難易之法也

事彊暴之國難使彊暴之國事

我易事之以貨寶則貨寶單而交不結約信盟誓則約

定而畔無日

約以定隨即畔之無日言不過一日文子作約定而反無日

割國之鎚

銖以賂之則割定而欲無厭

十黍之重為銖八兩為鎚此謂以地賂彊國割地必

不多與故以鎚銖言之厭一占反

事之彌煩其侵人愈

甚必至於資單國舉然後已

單盡也國舉謂盡舉其國與人也

雖左堯

而右舜未有能以此道得免焉者也辟之是猶使處女

嬰寶珠珮寶玉

嬰繫於頸也寶謂珠玉中可寶者也

負戴黃金而遇中山

之盜雖為之逢蒙視詘要撓膺君廬屋妾由將不足以

免之

逢蒙古之善射者詘與屈同要讀為腰撓曲也膺曲脚中古獲反廬當為廬由與猶同言處女如善

射者之視物謂微眇不敢正視也既微視又屈腰撓膺言俯伏畏懼之甚也君廬屋妾謂處女自稱是君廬屋

之妾猶言箕帚妾卑下之辭也雖畏懼卑辭如此猶不免劫奪也

故非有一人之道也

謂不能齊一其人

直將巧繁拜請而畏事之

但巧為繁多拜請以

畏事

則不足以持國安身故明君不道也

耻辱如此雖得免禍亦不

足以為持國安身之術故明君不言也

必將修禮以齊朝正法以齊官平

政以齊民然後節奏齊於朝

齊整也節奏禮之節文也謂上下皆有禮

百事

齊於官

百事皆有法度

衆庶齊於下

上政均平故民齊一

如是則近者競

親遠方致願

致極也極願來附也

上下一心三軍同力名聲足以

暴炙之

名聲如日暴炙炙赫也

威彊足以撻笞之拱揖指麾而彊


暴之國莫不趨使譬之是猶烏獲與焦僥搏也

烏獲秦之力人

舉千鈞者焦僥短人長三尺者搏闕也

故曰事彊暴之國難使彊暴之國

事我易此之謂也



荀子卷六

欽定四庫全書

子部

荀子卷七至九

詳校官侍讀學士臣沈咸熙

編修臣程嘉謨覆勘

覆校官中書臣呂雲棟

校對官中書臣袁文邵

謄錄舉人臣黃燁

欽定四庫全書

荀子卷七

唐楊倞註

王霸篇第十一

國者天下之制利用也

天下用之利者無過於國制衍字耳

人主者天下

之利勢也

勢之最利者也

得道以持之則大安也大榮也積美

之源也不得道以持之則大危也大累也有之不如無

之

有國不如有無國

有也及其綦也索為匹夫不可得也

綦謂窮極之時

齊湣宋獻是也

湣與閔同齊湣王為淖齒所殺宋獻宋君謚也為齊湣王所滅呂氏春秋云宋

康王此云獻國滅之後其臣子各私為謚故與此不同也故人主天下之利勢也然

而不能自安也安之者必將道也

必將以道守之

故用國者義

立而王信立而霸權謀立而亡三者明主之所謹擇也

所宜謹慎擇之

仁人之所務白也

白明也

挈國以呼禮義而無以

害之

挈提舉也言挈提一國之人皆使呼召禮義言所務皆禮義也無以害之謂不以他事害禮義也

行一不義殺一無罪而得天下仁者不為也櫟然扶持

心國且若是其固也

櫟然落石貌其所持心持國不行不義不殺無罪落然如石之固也

之所與為之者之人則舉義士也

舉皆也所與為政之人則皆用義士謂若

伊呂之此者也之所以為布陳於國家刑法者則舉義法也謂若

周穆王訓賁刑之類也主之所極然帥羣臣而首嚮之者則舉義

志也

志意也主所極信率羣臣歸嚮之者則皆義之志意謂不懷不義之意也或曰志記也舊典之有義

者謂若六經也

如是則下仰上以義矣是綦定也

綦當為基基本也言以義

為本仰魚亮反

綦定而國定國定而天下定仲尼無置錐之地

誠義乎志意加義乎身行

仲尼誠能義乎志意又加之以義行言志意及立身立行

皆以義行下孟反

著之言語

以義著言語謂所論說皆明義也

濟之日不隱乎

天下名垂乎後世

以義得濟之日成功之後也言仲尼行義既成之後不行乎天下謂極昭

明天下莫能隱匿之今亦以天下之顯諸侯誠義乎志意加義乎

法則度量著之以政事案申重之以貴賤殺生使襲然

終始猶一也

中亦重也既為政皆以義又申重以賞罰使相掩襲無間隙終始如一也如是

則夫名聲之部發於天地之間也豈不如日月雷霆然

矣哉

郭當為訓謂開發也仲尼匹夫但著空言猶得不隱乎天下今若以顯諸侯行義必如日月雷霆

故曰以國齊義一日而白湯武是也

齊當為濟以一國皆取濟於義一朝

而名聲明白湯武是也

湯以亳武以鄩皆百里之地

亳湯國都鄩與鎬同武王

是鎬京維龜正之武王成之

天下為一諸侯為臣通達

之屬莫不從服無它故焉以濟義矣是所謂義立而王

也

非有他故但取濟於義也

德雖未至也義雖未濟也

霸者亦有德義但未能至

極盡濟也

然而天下之理略奏矣

天下之理謂條理者略有節奏也

刑賞已

諾信乎天下矣

諾許也已不許也禮記曰與其有諾責寧有已怨信乎天下謂若齊桓不背柯

盟之比也

臣下曉然皆知其可要也

要約也皆知其可與要約不欺也要一堯反

政令已陳雖覩利敗不欺其民

謂若伐原命三日之糧不降而退之比也

約

結已定雖覩利敗不欺其與

與相親與之國謂若齊桓許敵魯衛不遂滅之為已

利之比也

如是則兵勁城固敵國畏之國一綦明與國信之

基亦當為基也

雖在僻陋之國威動天下五伯是也

伯讀為霸又如字諸

侯之長為伯春秋左傳策命晉侯為伯也

非本政教也

雖有政教未盡修其本也

非致隆

高也

禹湯之極崇高也

非綦文理也

言其駁難未極條貫

非服人

之心也

未得天下歸心如文王此皆言未能循於王道以略信之故猶能致霸也

鄉方略

所向

唯在方略不在用仁義也

審勞佚

審以佚待勞之術也

謹畜積

謹嚴畜積不妄耗費

修戰

備齟然上下相信而天下莫之敢當

齟齬相逆也齟然上下相向之貌齟

土角反

故齊桓晉文楚莊吳闔閭越勾踐是皆僻陋之國

也威動天下彊殆中國

其彊能危中國

無他故焉略信也是所

謂信立而霸也

雖未能濟義畧取信而行之故能致霸也

挈國以呼功利

此論

權謀者也提挈一國之人以呼召功利言所務唯功利也功役使利貪求之也

不務張其義齊

其信唯利之求

張開

內則不憚詐其民而求小利焉

謂若梁伯

好土功詐其民言寇將至之比也

外則不憚詐其與而求大利焉

謂若楚靈

王以義討陳蔡因遂滅之之比也

內不修正其所以有然常欲人之有

有土地貨財也

如是則臣下百姓莫不以詐心待其上矣上詐

其下下詐其上則是上下析也

離析

如是則敵國輕之

不得

人心故輕之也

與國疑之權謀日行而國不免危削綦之而亡

其極者則滅亡

齊閔薛公是也

薛公孟嘗君田文齊閔王之相也齊閔王為五國所伐皆薛公

使然故同言之也

故用彊齊非以修禮義也非以本政教也非

以一天下也綿綿常以結引馳外為務

綿綿不絕貌引讀為鞫鞫引軸

之物結引續縣於軸所以引車也齊閔薛公不修德政但使說客引軸馳驚於他國以權詐為務也

故彊

南足以破楚

史記齊閔王二十三年與秦敗楚重丘南割楚之淮北也

西足以誅秦

北足以敗燕

史記閔王三十六年與韓魏攻秦至函谷軍焉

中足以舉宋

閔王三十

八年伐宋宋王死於溫舉謂舉其國而滅之也

及以燕趙起而攻之若振槁然

閔王四十年燕秦楚三晉敗我於齊西振孽也槁枯葉也言當權謀強盛之時雖破敵滅國及樂毅以諸國攻

之若擊枯
禁之易也

而身死國亡為天下大戮

為天下大戮辱也
春秋傳曰古者明

王伐不敬取其鯨鯢
而封之以為大戮也

後世言惡則必稽焉

後世稽考閔
王為龜鏡也

是無他故焉唯其不由禮義而由權謀也三者明王之

所謹擇也仁人之所務白也善擇者制人不善擇者人

制之

善擇者用霸王不
善擇者用權謀也

國者天下之大器也重任也不

可不善為擇所而後錯之錯險則危

所處也錯
讀為措

不可不

善為擇道然後道之塗歲則塞

不可不善為擇道路而
道達之歲與穢同塞謂

行不通也

危塞則亡

所以為
之善擇

彼國錯者非封焉之謂也

非受
之節

土然後為安或曰修

何法之道誰子之與也

設問之詞既非封焉

之謂問以何法道達之求誰人付與之誰子猶誰人也

慎子曰棄道術舍度量以求一人之識識天下誰子之足焉故道王者之法與王者之人為之則亦王道霸者

之法與霸者之人為之則亦霸道亡國之法與亡國之

人為之則亦亡

答辭也道皆與導同

三者明主之所謹擇也而仁

人之所務白也

荀子多重叙前語者叮嚀之也

故國者重任也不以積

持之則不立

不以積久之法持之則傾覆也

故國者世所以新者也是

憚憚非變也

憚與坦同言國者但繼世之主自新耳此積久之法坦坦然無變也巢子曰有陰而

遠者有坦明而功者杜伯射宣王於
畝田是坦明功者據古憚與坦通 改王改行也自是改一

王則改其所行之事非法變也或曰國語襄王謂
晉文公曰先民有言曰改玉改行玉佩玉行步也故一

朝之日也一日之人也然而厭焉有千歲之固何也設問

之辭一朝之日謂今日之事明朝不同言易變也一日

之人謂今日之生未保明日言壽促也厭讀為厭禮記

曰見君子而後厭然揜其不善鄭注云閉藏貌言事之

易變人之壽促如此此何故有厭然深藏千歲不變改

之法 曰援夫千歲之信法以持之也安與夫千歲之信

士為之也謂使百世不易人無百歲之壽而有千歲之

信士何也又問曰以夫千歲之法自持者是乃千歲之

信士矣

以禮義自持者則是千歲之士不以壽千歲也能自持則能持國

故與積禮義

之君子為之則王與端誠信全之士為之則霸與權謀

傾覆之人為之則亡三者明王之所謹擇也仁人之所

務白也善擇之者制人不善擇之者人制之彼持國者

必不可以獨也

君不可獨治也

然則彊國榮辱在於取相矣身

能相能如是者王

謂若湯伊尹文王太公也

身不能知恐懼而求能

者如是者彊

若燕胎樂毅也

身不能不知恐懼而求能者安唯

便僻左右親比已者之用如是者危削

謂若楚襄王左州侯右夏侯之

比綦之而亡宋獻

國者巨用之則大小用之則小巨者大之

極綦大而王綦小而亡小巨分流者存小巨各半如水之分流也巨

用之者先義而後利安不恤親疎不恤貴賤唯誠能之

求夫是之謂巨用之小用之者先利而後義安不恤是

非不治曲直唯便僻親比已者之用夫是之謂小用之

巨用之者若彼小用之者若此小巨分流者亦一若彼

也亦一若此也或誠能之求或親比已者之用故曰粹而王駁而霸無

一焉而亡此之謂也粹全也若舜舉皋陶不仁者遠即巨用之綦大而王者也駁雜也若

齊桓外任管仲內任豎刁則小臣分流者無一焉而國亡無賢人若厲王專任皇甫氏即暴小而亡者也

無禮則不正禮之所以正國也譬之猶衡之於輕重也

猶繩墨之於曲直也猶規矩之於方圓也

禮能正國譬衡所以辨輕

重繩墨所以辨曲直規矩所以定方圓也

故錯之而人莫能誣也

錯置也禮記曰衡誠

懸不可欺以輕重繩墨誠陳不可欺以曲直規矩誠設不可欺以方圓者也

詩云如霜雪之

將將如日月之光明

詩逸

為之則存不為之則亡此之謂

也

為為禮也

國危則無樂君國安則無憂民亂則國危治則

國安今君人者急逐樂而緩治國豈不過甚矣哉譬之

是猶好聲色而恬無耳目也豈不哀哉

恬安也安然無耳目雖好聲色

將何用哉

夫人之情目欲綦色耳欲綦聲口欲綦味鼻欲綦

臭心欲綦佚

臭氣也凡氣香亦謂之臭禮記曰皆佩容臭綦極也綦或為其傳寫誤耳佚安樂之

也此五綦者人情之所必不免也養五綦者有具

具謂廣大

富厚治辨強固之道

無具則五綦者不可得而致也萬乘之國可

謂廣大富厚矣加有治辨強固之道焉

有讀為又辨分別事

若是

則恬愉無患難矣然後養五綦之具具也故百樂者生於治國者也憂患者生於亂國者也急逐樂而緩治國

者非知樂者也故明君者必將先治其國然後百樂得

其中

得於治國之中樂並音洛

闇君者必將荒逐樂而緩治國故憂

患不可勝校也

計校

必至於身死國亡然後止也豈不哀

哉將以為樂乃得憂焉將以為安乃得危焉將以為福

乃得死亡焉豈不哀哉於乎君人者亦可以察若言矣

於乎讀為嗚呼若言如此之言謂已上之說

故治國有道人主有職

在知其道守其

職也若夫貫日而治詳一日而曲列之

貫日積日也積日而使條治詳備一

日如委曲列之無差錯也

是以所使夫百吏官人為也不足以是傷

游玩安燕之樂

煩碎之事既使百吏官人為之則不足以此害人君游燕之樂也

若夫

論一相以兼率之使臣下百吏莫不宿道鄉方而務

論謂

討論選擇之也率領也宿道止於道也鄉方不迷亂也臣下皆以宿道鄉方為務不敢姦詐也是夫人

主之職也

論相人主之職不在窮觀小事

若是則一天下名配堯禹之

主者守至約而詳事至佚而功

事任

垂衣裳不下簞席之

上而海內之民莫不願得以為帝王夫是之謂至約樂

莫大焉人主者以官人為能者也匹夫者以自能為能

者也人主得使人為之匹夫則無所移之百畝一守事

業窮無所移之也

百畝一夫之守事業耕稼也耕稼窮於此無所移於人若人主必窮治小

事則與匹夫何異之也

今以一人兼聽天下日有餘而治不足者

使人為之也

今以一人兼聽天下之大自稱日有餘言兼聽之日有餘也而治不足謂所治之事

少而不足言不足治也使人為之故得如此尹子曰堯南撓交趾北懷幽都東西至日之所出入有餘日而不足於治者怒也韓子曰夫為人主而身察百官則日不足力不給也故先王舍己能而因法數審賞罰故治不足而日有餘上之任勢使然也日音而實反大有天下小有一國天子諸侯必自

為之然後可則勞苦耗悴莫甚焉

耗謂精神竭耗悴顛顛也

如是則

雖臧獲不肯與天子易勢業

臧獲奴婢也方言謂荆淮海岱之間罵奴曰臧罵婢

曰獲燕齊亡奴謂之臧亡婢謂之獲或曰取貨謂之臧
擄得謂之獲皆謂有罪為奴婢者故周禮其奴婢男子
入于罪隸女子入于春
案勢業權勢事業也以是縣天下一四海何故必自

為之

以是一人之寡縣天下之重一四海之大何故必自為之言力不任之也

為之者役夫

之道也墨子之說也

墨子之說必自勞苦

論德使能而官施之者

聖王之道也儒之所謹守也

官施謂建百官施布職事

傳曰農分田

而耕賈分貨而販百工分事而勸士大夫分職而聽聽其

政建國諸侯之君分土而守三公總方而議

總領也議其所總統

之政自陝以東周公主之自陝以西召公主之三公處於內是總方而議也

則天子共已而

已矣

其讀為恭或讀為拱垂拱而已

出若入若天下莫不平均莫不治

辯

若如此也出若入若謂內外皆如此也謂如論德使能官施之事或曰若順也

是百王之所

同也而禮法之大分也

禮法大分在任人各使當其職分也

百里之地可

以取天下是不虛其難者在人主之知之也

所患人主不知小國

可以取天下之道也

取天下者非負其土地而從之之謂也

非謂它國

負荷其土地來而從我之謂也

道足以一人而已矣

其道足以齊一人故天下歸之也

彼其人苟一則其土地且奚去我而適他

彼國之人苟一於我則其

土地奚往哉

故百里之地其等位爵服足以容天下之賢士

矣

此論百里國取天下之道賢士有道德者也

其官職事業足以容天下之

能士矣

能士者材藝也

循其舊法擇其善者而明用之足以順

服好利之人矣

擇舊法之善者而明用之謂擇務本厚生之法而用之則民衣食足而好利之

民順服也

賢士一焉能士官焉好利之人服焉三者具而天

下盡無有是其外矣

具謂俱為用也

故百里之地足以竭勢矣

竭盡也有等位爵服官職事業是天下之勢盡於此矣

致忠信著仁義足以竭人

矣

致極也著明也言極忠信明仁義足以盡天下之人謂皆來歸矣

兩者合而天下取

諸侯後同者先危

兩者合謂能盡勢盡人也

詩曰自西自東自南自

北無思不服一人之謂也

其道足以齊一人故四方皆歸之

羿蓬門者

善服射者也

蓬門即蓬蒙學射於羿羿蓬蒙善射故射者服之蓬音逢

王良造父者

善服馭者也

王良趙簡子之馭韓子曰字伯樂造父周穆王之馭皆善御者也馭與御同

聰

明君子者善服人者也人服而勢從之人不服而勢去

之故王者已於服人矣

王者之功盡此也

故人主欲得善射射

遠中微則莫若羿蓬門矣

射及遠中細微之物

欲得善馭及速致

遠則莫若王良造父矣欲調一天下制秦楚則莫若聰

明君子矣

荀卿在齊楚秦天下彊國故制之者也

其用知甚簡

用智慮至少也

其

為事不勞而功名致大甚易處而綦可樂也故明君以

為實而愚者以為難

明君以任賢為實愚者以任賢為難也

夫貴為天子

富有天下名為聖王兼制人人莫得而制也是人情之

所同欲也而王者兼而有是者也重色而衣之重味而

食之重財物而制之

重多也直用反

合天下而君之飲食甚厚

聲樂甚大臺榭甚高

謝與榭同

園囿甚廣臣使諸侯一天下

是又人情之所同欲也而天子之禮制如是者也

禮之與制

如此其威言盡人情之所欲也

制度以陳政令以挾

挾讀為挾洽也

官人失要

則死公侯失禮則幽

要政令之要約也禮記曰各揚其職百官廢質服大刑幽囚也春秋

傳曰晉侯執衛侯歸之于京師真諸深室也

四方之國有侈離之德則必滅

侈者侈離乖離皆謂不遵法度

名聲若日月功積如天地天下之人應

之如影嚮是又人情之所同欲也而王者兼而有是者

也故人之情口好味而臭味莫美焉耳好聲而聲樂莫

大焉目好色而文章致繁婦女莫衆焉形體好佚而安

重間靜莫愉焉

間隙也或讀為閑愉樂也

心好利而穀祿莫厚焉合

天下之所同願兼而有之鞏牢天下而制之若制子孫

宰牢未詳宰或作畢言盡牢籠天下也新序作宰牢戰國策燕太子丹謂荆軻曰秦有貪功之心非盡天下之地牢海內之王其意不厭或曰宰讀如以攝茶琴之攝牢與漢書立嬖孽羹同皆修理幹運之意也人苟

不狂惑戇陋者其誰能睹是而不樂也哉欲是之主並肩而存能建是之士不世絕千歲而不合何也曰人主

不公人臣不忠也人主則外賢而偏舉人臣則爭職而

妬賢是其所以不合之故也

外賢疎賢也偏舉偏黨而舉所愛也

人主胡

不廣焉無恤親疎無偏貴賤唯誠能之求

廣焉開泰貌或讀為曠誠

能實能也

若是則人臣輕職業讓賢而安隨其後如是則禹

舜還至王業還起

復還

功一天下名配禹舜物由有可樂

如是其美焉者乎嗚呼君人者亦可以察若言矣

可以察如

此之言也

楊朱哭衢塗曰此夫過舉踴步而覺跌千里者夫

哀哭之

楊朱戰國時人後於墨子與墨子弟子禽滑釐辯論其說在愛己不拔一毛以利天下與墨相

反衢塗歧路也秦俗以兩為衢或曰四達謂之衢覺知

也半步曰踴跌差也言此歧路第過舉半步則知差而

哭况跌千里者乎故甚哀而哭

之易曰差以毫釐謬以千里也

此亦榮辱安危存亡之

衢已此其為可哀甚於衢塗

此謂求誠能之士也不求則滅亡故可哀甚於衢塗

也

嗚呼哀哉君人者千歲而不覺也

嘆君人者千歲而不知求誠能之士

無國而不有治法無國而不有亂法無國而不有賢士

無國而不有罷士

國語曰罷士無伍罷女無家韋昭曰病也無行而罷周禮以嘉石平罷民

謂平之使善者也

無國而不有愿民無國而不有悍民無國而

不有美俗無國而不有惡俗兩者並行而國在上偏而

國安在下偏而國危

上偏偏行上事也謂治法多亂法少賢士多罷士少愿民多悍民少

之類下偏反是

上一而王下一而亡

一謂令行也

故其治法其佐賢

其民愿其俗美而四者齊夫是之謂上一如是則不戰

而勝不攻而得用兵不勞而天下服故湯以亳武王以

鄣鄣與同皆百里之地也天下為一諸侯為臣通達之屬

莫不服從無他故焉四者齊也齊謂無所闕也桀紂即序於有

天下之勢索為匹夫而不可得也即序於有天下之勢謂就王者之次序為

天是無他故焉四者並亡也故百王之法不同若是所

歸者一也上莫不致愛其下而制之以禮上之於下如

保赤子政令制度所以接下之人百姓有_不理者如豪

末則雖孤獨鰥寡必不加焉不以豪末不理加於孤獨鰥寡也四者人所輕賤故

聖王尤愛之孝經曰不敢侮於鰥寡而況於上民乎故下之親上歡如父母可殺

而不可使不順君臣上下貴賤長幼至於庶人莫不以

是為隆正

是謂親上也皆以親上為隆正也

然後皆內自省以謹於分

愛敬其上故不敢踰越也

是百王之所以同也而禮法之樞要也

是百

王之用愛民之道而得民也

然後農分田而耕賈分貨而販百工分

事而勸士大夫分職而聽建國諸侯之君分土而守三

公摠方而議則天子共已而止矣若出若入天下莫不

平均莫不治辯是百王之所同而禮法之大分也

亦謂致愛

其下故皆勸勉餘並已解上也

若夫貫日而治平權物而稱用

貫日積日也使

條理平正權制物使稱於用稱尺正反

使衣服有制宮室有度人徒有數

喪祭械用皆有等宜以是用挾於萬物

人徒謂胥徒給徭役者也械用

器用也皆有等宜言等差皆得其宜也挾讀為決

尺寸尋丈莫得不循乎制數

度量然後行則是官人使吏之事也不足數於大君子

之前

官人列官之人使吏所使役之吏數閎數也大君子謂人君也

故君人者立隆政

本朝而當

隆政所隆之政也當丁浪反

所使要百事者誠仁人也

主百

事之要約綱紀者謂相也

則身佚而國治功大而名美上可以王下

可以霸立隆正本朝而不當所使要百事者非仁人也

則身勞而國亂功廢而名辱社稷必危是人君者之樞

機者也

樞機在得賢相人君當為君人也

故能當一人而天下取失當

一人而社稷危不能當一人而能當千人百人者說無

之有也

論說之中無此事能當謂能用人之當也當皆丁浪反

既能當一人則身

有何營而為

而為皆助語也

垂衣裳而天下定故湯用伊尹文

王用呂尚武王用召公成王用周公且卑者五伯

卑言功業

卑於王者伯讀為霸

齊桓公閨門之內懸樂奢泰游抗之修

懸築也

泰與汰同抗與玩同

言齊桓唯此是修也於天下不見謂修

天下不謂之修飾也

然九

合諸侯一匡天下為五伯長是亦無他故焉知一政於

管仲也是君人者之要守也

要守在任賢也

知者易為之興力

而功名綦大

智者知任賢之君也

舍是而孰足為也

舍是任賢之事何足為之

言其餘皆不足為也

故古之人有大功名者必道是者也

道行也必行此

任賢之事

喪其國危其身者必反是者也故孔子曰知者之

知固以多矣有以守少能無察乎

上知音智下如字有請為又智下同守少

謂任賢恭己而已也

愚者之知固以少矣有以守多能無狂乎此

之謂也

守多謂自任主百事者也事煩則狂亂也

治國者分已定則主相臣

下百吏各謹其所聞不務聽其所不聞

謹謂守行無越思

各謹

其所見不務視其所不見所聞所見誠以齊矣

齊謂各當其事

不侵越也

則雖幽間隱辟百姓莫敢不敬分安制以禮化其

上是治國之徵也

問讀為開辟讀為僻安制謂安於國之制度不敢踰分徵驗也治國之徵

驗在分定

主道治近不治遠

人主之道如此

治明不治幽治一不治

二主能治近則遠者理主能治明則幽者化主能當一

則百事正夫兼聽天下日有餘而治不足者如此也是

治之極也既能治近又務治遠既能治明又務見幽既

能當一又務正百

當丁浪反

是過者也猶不及也辟之是猶

立直木而求其影之枉也不能治近又務治遠不能察

明又務見幽不能當一又務正百是悖者也

悖惑

辟之是

猶立枉木而求其影之直也故明主好要而闇主好詳

任一相而委之是好要不委人而自治百事是好詳

主好要則百事詳主好詳則

百事荒

力不及故荒也

君者論一相陳一法明一指以兼覆之

兼炤之以觀其盛者也

論選擇也指指歸也一法一指皆謂綱紀也盛讀為成觀其成

功相者論列百官之長要百事之聽

列置於列位也聽治也要取百事之

治考其得失也要一堯反

以飾朝廷臣下百吏之分

修飾使各當分

度其功

勞論其慶賞歲終奉其成功以效於君當則可不當則

廢

效致也周禮太宰歲終則令百官府各正其治受其會聽其政事而詔王廢置也

故君人勞

於索之而休於使之

索求也休息也

周國者得百姓之力者富

得百姓之死者彊得百姓之譽者榮三得者具而天下

歸之三得者亡而天下去之天下歸之之謂王天下去

之之謂亡湯武者修其道行其義興天下同利除天下

同害天下歸之故厚德音以先之明禮義以道之致忠

信以愛之賞賢使能以次之

賞當為尚

爵服賞慶以申重之

時其事輕其任以調齊之潢然兼覆之養長之如保赤

子

潢與混同大水貌也

生民則致寬

生民生活民謂衣食也

使民則綦理辯

政令制度所以接天下之人百姓有非理者如毫末則

雖孤獨鰥寡必不加焉是故百姓貴之如帝親之如父

母為之出死斷亡而不愉者無他故焉

不愉不字刺耳

道德誠

明利澤誠厚也亂世不然汙漫突盜以先之

突凌觸盜竊也

權

謀傾覆以示之俳優儒婦女之請謁以悖之

俳優儒優侏儒

短人可戲弄者悖亂也

使愚詔知使不肖臨賢生民則致貧隘使

民則暴勞苦是故百姓賤之如佞惡之如鬼

字書無佞字蓋當為

疴病人也禮記曰吾欲暴疴而奚若新序作賤之如疴豕也

日欲司間而相與投籍

之去逐之

司間伺其間隙投擲也籍踐也一作投錯之

卒有寇難之事又望

百姓之為已死不可得也說無以取之焉

論說之中無以此事為得

也卒干忽反

孔子曰審吾所以適人適人之所以來我也此

之謂也

適人往與人也審慎其與人之道為其復來報我也

傷國者何也曰以小

人尚民而威

尚上也使小人在上位而作威也

以非所取於民而巧

若兵

甲田賦之類也是傷國之大災也大國之主也而好見小利是

傷國其於聲色臺榭園囿也愈厭而好新是傷國

厭足也一

反古不好循政其所以有啖啖常欲人之有是傷國

啖啖并吞

之貌三邪者在匈中而又好以權謀傾覆之人斷事其外

事任也謂斷決任事於外也

若是則權輕名辱社稷必危是傷國者

也大國之主也不隆本行不敬舊法而好詐故

故事變也

若

是則夫朝廷羣臣亦從而成俗不隆禮義而好傾覆也

以不隆義禮為成俗

朝廷羣臣之俗若是則夫衆庶百姓亦從而

成俗於不隆禮義而好貪利矣君臣上下之俗莫不若

是則地雖廣權必輕人雖衆兵必弱刑罰雖繁令不下

通夫是之謂危國是傷國者也儒者為之不然必將曲

辯

辯理也委曲使歸於理也

朝廷必將隆禮義而審貴賤若是則士

大夫莫不敬節死制者矣

節中義制職分

百官則將齊其制度

重其官秩若是則百吏莫不畏法而遵繩矣

秩祿也其制馭百官

必將齊一其制度使有守也厚重其秩祿使不貪也

關市幾而不征質律禁止而

不偏

質律質劑也可以為法故言質律也禁止而不偏謂禁止姦人不偏聽也周禮小宰聽賣買以質劑

鄭司農云質劑平市價今之月平是也鄭康成云兩書一札同而別之長曰質短曰劑皆今之券書也左氏傳曰趙盾為政董通逃由質晏或曰質正也如是則商賈莫不敦慤而無詐矣

百工將時斬伐佻其期日而利其巧任如是則百工莫

不忠信而不桀矣

時斬伐即周禮仲冬月斬陽木仲夏月斬陰木是也佻與徭同緩也謂不

迫促也巧任巧者之任不迫促則百工自利矣桀謂器用不牢固也晏子春秋曰景公之時晏子請發粟公不許為路寢之臺令史重其績遠其涂能其日而不趨三年臺成而民振欲上悅乎君遊民足乎食彼佻亦與此

同縣鄙將輕田野之稅省刀布之歛罕舉力役無奪農

時如是則農夫莫不朴力而寡能矣

但質朴而力作不務他能也

士

大夫務節死制然而兵勁

然而當為然後

百吏畏法循繩然後

國常不亂商賈敦慤無詐則商旅安貨通財而國求給

矣

所求之物皆給足也

百工忠信而不桡則器用巧便而財不匱

矣農夫朴力而寡能則上不失天時下不失地利中得人和而百事不廢是之謂政令行風俗美以守則固以征則彊居則有名動則有功此儒之所謂曲辯也

荀子卷七

欽定四庫全書

荀子卷八

唐 楊倞 註

君道篇卷第十二

有亂君無亂國有治人無治法羿之法非亡也而羿不
世中禹之法猶存而夏不世王故法不能獨立類不能
自行得其人則存失其人則亡法者治之端也君子者
法之原也故有君子則法雖省足以徧矣無君子則法
雖具失先後之施矣不能應事之變足以亂矣不知法

之義而正法之數者雖博傳臨事必亂故明主急得其人而闇主急得其勢急得其人則身佚而國治功大而名美上可以王下可以霸不急得其人而急得其勢則身勞而國亂功廢而名辱社稷必危故君人者勞於索之而休於使之書曰惟文王敬忌一人以懌此之謂也合符節別契券者所以為信也上好權謀則臣下百吏誣詐之人乘是而後欺探籌投鈎者所以為公也上好曲私則臣下百吏乘是而後偏衡石稱縣者所以為平

也上好傾覆則臣下百吏乘是而後險斗斛敦槩者所以為嘖也上好貪利則臣下百吏乘是而後鄙豐取刻與以無度取於民故械數者治之流也非治之源也君子者治之源也官人守數君子養源源清則流清源濁則流濁故上好禮義尚賢使能無貪利之心則下亦將慕辭讓致忠信而謹於臣子矣如是則雖在小民不待合符節別契券而信不待探籌投鉤而公不待衡石稱縣而平不待斗斛敦槩而嘖故賞不用而民勸罰不用

而民服有司不勞而事治政令不煩而俗美百姓莫敢
不順上之法象上之志而勸上之事而安樂之矣故籍
斂忘費事業忘勞寇難忘死城郭不待飾而固兵刃不
待陵而勁敵國不待服而誣四海之民不待令而一夫
是之謂王乎詩曰王猷允塞徐方既來此之謂也請問
為人君曰以禮分施均徧而不偏請問為人臣曰以禮
待君忠順而不懈請問為人父曰寬惠而有禮請問為
人子曰敬愛而致文請問為人兄曰慈愛而見友請問

為人弟曰敬詘而不苟請問為人夫曰致功而不流致
臨而有辨請問為人妻曰夫有禮則柔從聽侍夫無禮
則恐懼而自竦也此道也偏立而亂俱立而治其足以
稽矣請問兼能之奈何曰審之禮也古者先王審禮以
方皇周浹於天下動無不當也故君子恭而不難敬而
不輦貧窮而不約富貴而不驕並遇變應而不窮審之
禮也故君子之於禮敬而安之其於事也徑而不失其
於人也寡怨寬裕而無阿其所為身也謹修勅而不危

其應變故也齊給便捷而不惑其於天地萬物也不務說其所以然而致善用其材其於百官之事伎藝之人也不與之爭能而致善用其功其侍上也忠順而不懈其使下也均徧而不偏其交遊也緣義而有類其居鄉里也容而不亂是故窮則必有名達則必有功仁厚兼覆天下而不閔明達用天地理萬變而不疑血氣和平志意廣大行義塞於天地之間仁知之極也夫是之謂聖人審之禮也請問為國曰聞修身未嘗聞為國也君

者儀也儀正而景正君者槃也槃圓而水圓君者盂也
盂方而水方君射則臣決楚莊王好細腰故朝有餓人
故曰聞修身未嘗聞為國也君者民之源也源清則流
清源濁則流濁故有社稷者而不能愛民不能利民而
求民之親愛已不可得也民之不親不愛而求其為已
用為已死不可得也不人為已用不為已死而求兵之
勁城之固不可得也兵不勁城不固而求敵之不至不
可得也敵至而求無危削不滅亡不可得也危削滅亡

之情舉積此矣而求安樂是狂生者也狂生者不胥時而落故人主欲彊固安樂則莫若反之民欲附下一民則莫若反之政欲修政美國則莫若求其人彼或積蓄而得之者不世絕彼其人者生乎今之世而志乎古之道以天下之王公莫好之也然而于是獨好之以天下之民莫欲之也然而于是獨為之好之者貧為之者窮然而于是獨猶將為之也不為少頃輟焉曉然獨明於先王之所以得之所以失之知國之安危臧否若別白

黑是其人者也。大用之則天下為一，諸侯為臣，小用之則威行鄰敵，縱不能用，使無去其疆域，則國終身無故。故君人者愛民而安好士，而榮兩者無一焉。而亡詩曰：「介人維藩，大師維垣。」此之謂也。道者何也？曰：君道也。君者何也？曰：能羣也。能羣也者何也？曰：善生養人者也。善班治人者也。善顯設人者也。善藩飾人者也。善生養人者人親之。善班治人者人安之。善顯設人者人樂之。善藩飾人者人榮之。四統者俱而天下歸之。夫是之謂能。

羣不能生養人者人不親也不能班治人者人不安也
不能顯設人者人不樂也不能藩飾人者人不榮也四
統者亡而天下去之夫是之謂匹夫故曰道存則國存
道亡則國亡省工賈衆農夫禁盜賊除姦邪是所以養
生之也天子三公諸侯一相大夫擅官士保職莫不法
度而公是所以班治之也論德而定次量能而授官皆
使其人載其事而各得其所宜上賢使之為三公次賢
使之為諸侯下賢使之為士大夫是所以顯設之也修

冠弁衣裳黼黻文章雕琢刻鏤皆有等差是所以藩飾之也故由天子至於庶人也莫不騁其能得其志安樂其事是所同也衣煖而食充居安而遊樂事時制明而用足是又所同也若夫重色而成文章重味而成珍脩是所術也聖王則術以明辨異上以飾賢良而明貴賤下以飾長幼而明親疏上在王公之朝下在百姓之家天下曉然皆知其所非以為異也將以明分達治而保萬世也故天子諸侯無靡費之用士大夫無流淫之行

百吏官人無怠慢之事衆庶百姓無姦怪之俗無盜賊之罪其能以稱義徧矣故曰治則衍及百姓亂則不及王公此之謂也至道大形隆禮至法則國有常尚賢使能則民知方纂論公察則民不疑賞克罰偷則民不怠兼聽齊明則天下歸之然後明分職序事業材技官能莫不治理則公道達而私門塞矣公義明而私事息矣如是則德厚者進而佞說者止貪利者退而廉節者起書曰先時者殺無赦不逮時者殺無赦人習其事而

固人之百事如耳目鼻口之不可以相借官也職分而民不探次定而序不亂兼聽齊明而百事不留如是則臣下百吏至於庶人莫不修已而後敢安止誠能而後敢受職百姓易俗小人變心姦怪之屬莫不反慙夫是之謂政教之極故天子不視而見不聽而聰不慮而知不動而功塊然獨坐而天下從之如一體如四足之從心夫是之謂大形詩曰溫溫恭人維德之基此之謂也為人主者莫不欲彊而惡弱欲安而惡危欲榮而惡辱

是禹桀之所同也要此三欲辟此三惡果何道而便曰
在慎取相道莫徑是矣故知而不仁不可仁而不知不
可既知且仁是人主之寶也而王霸之佐也不急得不
知得而不用不仁無其人而幸有其功愚莫大焉今人
主有六患使賢者為之則與不肖者規之使知者慮之
則與愚者論之使修士行之則與汙邪之人疑之雖欲
成立得乎哉譬之是猶立直木而恐其景之枉也惑莫
大焉語曰好女之色惡者之孽也公正之士衆人之瘞

也循乎道之人汙邪之賊也今使汙邪之人論其怨賊而求其無偏得乎哉譬之是猶立枉木而求其景之直也亂莫大焉故古之人為之不然其取人有道其用人有法取人之道參之以禮用人之法禁之以等行義動靜度之以禮知慮取舍稽之以成日月積久校之以功故卑不得以臨尊輕不得以縣重愚不得以謀知是以萬舉不過也故校之以禮而觀其能安敬也與之舉措遷移而觀其能應變也與之安燕而觀其能無陷也接

之以聲色權利忿怒患險而觀其能無離守也彼誠有之者與誠無之者若白黑然可詘邪哉故伯樂不可欺以馬而君子不可欺以人此明王之道也人主欲得善射射遠中微者縣貴爵重賞以招致之內不可以阿子弟外不可以隱遠人能中是者取之是豈不必得之之道也哉雖聖人不能易也欲得善馭及速致遠者一日而千里縣貴爵重賞以招致之內不可以阿子弟外不可以隱遠人能致是者取之是豈不必得之之道也哉

雖聖人不能易也欲治國馭民調壹上下將內以固城
外以拒難治則制人人不能制也亂則危辱滅亡可立
而待也然而求卿相輔佐則獨不若是其公也案唯便
嬖親比已者之用也豈不過甚矣哉故有社稷者莫不
欲彊俄則弱矣莫不欲安俄則危矣莫不欲存俄則亡
矣古有萬國今有數十焉是無他故莫不失之是也故
明主有私人以金石珠玉無私人以官職事業是何也
曰本不利於所私也彼不能而主使之則是主闇也臣

不能而誣能則是臣詐也主闇於上臣詐於下滅亡無日俱害之道也夫文王非無貴戚也非無子弟也非無便辟也倜然乃舉太公於州人而用之豈私之也哉以爲親邪則周姬姓也而彼姜姓也以爲故邪則未嘗相識也以爲好麗邪則夫人行年七十有二邇然而齒墜矣然而用之者夫文王欲立貴道欲白貴名以惠天下而不可以獨也非于是子莫足以舉之故舉是子而用之於是乎貴道果立貴名果明兼制天下立七十一國

姬姓獨居五十三人周之子孫苟不狂惑者莫不為天下之顯諸侯如是者能愛人也故舉天下之大道立天下之大功然後隱其所憐所愛其下猶足以為天下之顯諸侯故曰唯明主為能愛其所愛闇主則必危其所愛此之謂也牆之外目不見也里之前耳不聞也而人主之守司遠者天下近者境內不可不略知也天下之變境內之事有弛易齟差者矣而人主無由知之則是拘脅蔽塞之端也耳目之明如是其狹也人主之守司

如是其廣也其不可以不知也如是其危也然則人主將何以知之曰便嬖左右者人主之所以窺遠收衆之門戶牖嚮也不可不早具也故人主必將有便嬖左右足信者然後可其知惠足使規物其端誠足使定物然後可夫是之謂國具人主不能不有遊觀安燕之時則不得不有疾病物故之變焉如是國者事物之至也如泉源一物不應亂之端也故曰人主不可以獨也卿相輔佐人主之基杖也不可不早具也故人主必將有卿

相輔佐足任者然後可其德音足以鎮撫百姓其知慮
足以應待萬變然後可夫是之謂國具四鄰諸侯之相
與不可以不相接也然而不必相親也故人主必將有
足使喻志決疑於遠方者然後可其辯說足以解煩其
知慮足以決疑其齊斷足以距難不還秩不反君然而
應薄扞患足以持社稷然後可夫是之謂國具故人主
無便嬖左右足信者之謂闇無卿相輔佐足任者謂之
獨所使於四鄰諸侯者非其人謂之孤孤獨而晦謂之

危國雖若存古之人曰亡矣詩曰濟濟多士文王以寧
此之謂也材人愿慙拘錄計數纖嗇而無敢遺喪是官
人史吏之才也修飾端正尊法敬分而無傾側之心守
職循業不敢益損可傳世也而不可使侵奪是士大夫
官師之材也知隆禮義之為尊君也知好士之為美名
也知愛民之為安國也知有常法之為一俗也知尚賢
使能之為長功也知務本禁末之為多材也知無與下
爭小利之為便於事也知明制度權物稱用之為不泥

也是卿相輔佐之材未及君道也能論官此三材者而無失其次是為人主之道也若是則身佚而國治功大而名美上可以王下可以霸是人主之要守也人主不能論此三材者不知道此道安值將卑執出勞併耳目之樂而親自貫日而治詳一內而曲辨之慮與臣下爭小察而褊偏能自古及今未有如此而不亂者也是所謂視乎不可見聽乎不可聞為乎不可成此之謂也

荀子卷八

欽定四庫全書

荀子卷九

唐 楊倞 註

臣道篇第十三

人臣之論

論人臣之善惡

有態臣者有篡臣者有功臣者有聖

臣者

解並在下

內不足使一民外不足使距難百姓不親諸

侯不信然而巧敏佞說

說音悅或作稅

善取寵乎上是態臣者

也

以佞媚為容態

上不忠乎君下善取譽乎民不恤公道通義

明黨比周以環主圖私為務是篡臣者也

環主環繞其主不使賢臣

得用圖謀也纂臣者篡奪其軍政也

內足使一民外足使距難民親之士

信之上忠乎君下愛百姓而不倦是功臣者也

民親士信然後

立功

上則能尊君下則能愛民政令教化形下如影

制形

也言施政令教化以制其下如影之隨形動而輒隨不使違越也

應卒遇變齊給如響

將疾也給供給也應事而至謂之給夫卒變人所進疑令聖臣應之疾速如響之應聲卒倉忽反

推類

接譽以待無方曲成制象是聖臣者也

此明應卒遇變之意無方無常

也推其比類按其聲譽言見其本而知其末也待之無常謂不滯於一隅也委曲皆成制度法象言物至而應無非由法不苟而行之也
聖者無所不通之謂也 故用聖臣者王用功臣者彊

用篡臣者危用態臣者亡態臣用則必死篡臣用則必

危

此言態臣甚於篡臣者蓋當時之多用佞媚變詐之人深欲戒之故極言之也

功臣用則必

榮聖臣用則必尊故齊之蘇秦

蘇秦初相趙後仕燕終死於齊故曰齊之蘇秦

楚之州侯

楚襄王佞臣也史記莊辛諫襄王曰君王左州侯右夏侯軫從鄢陵君與壽陵君載方府

之金與之馳騁乎雲夢之中不知穰侯受令於秦王填澠塞之內而投已於澠塞之外韓子曰州侯相荆貴而荆王疑之因問左右對曰無有如出一口也

秦之張儀可謂態臣者也

皆佞

媚之臣儀或作祿

韓之張去疾

蓋張良之祖漢書良其先韓人大父開地相韓戰國策韓有張

翠納賂於宣太后也

趙之奉陽

後語蘇秦說趙肅侯肅侯之弟奉陽君為相不悅蘇秦蘇秦乃去之

又戰國策蘇秦說趙王曰天下之卿相人君及至布衣之士莫不高大王之行義皆願奉教陳忠於前之日久矣雖然奉陽君如大王不得任事是以外賓客游談之士無敢盡忠於前盧藏用云奉陽君名成人案後語奉陽君辛蘇秦乃從燕而來說肅侯合從之事而公子成武靈王時猶不肯朝服即公子成非奉陽君也齊

之孟嘗可謂篡臣也

史記曰齊閔王既滅宋益驕欲盡滅孟嘗孟嘗君恐乃如魏魏昭王

以為相西合於秦趙與燕共伐破齊後齊襄王立孟嘗中子為諸侯無所屬襄王新立畏孟嘗而與連和是篡也齊之管仲晉之咎犯咎與舅同晉文公之舅狐偃咎犯其字也楚之孫叔

教可謂功臣矣殷之伊尹周之太公可謂聖臣矣是人

臣之論也凶吉賢不肖之極也

國之吉凶人君賢不肖極於論臣也必謹

志之而慎自為擇取焉足以稽矣

志記也言謹記此四臣之安危而慎自擇

取則足以稽考用臣也

從命而利君謂之順從命而不利君謂之

諂逆命而利君謂之忠逆命而不利君謂之篡不恤君

之榮辱不恤國之臧否偷合苟容以持祿養交而已耳

謂之國賊

養交謂養其與君交接之不忤犯使怒也或曰養其外交若蘇秦張儀孟嘗君所至為相

也君有過謀過事將危國家殞社稷之具也大臣父子

兄弟有能進言於君用則可不用則去謂之諫有能進

言於君用則可不用則死謂之爭有能比知同力

比合也知

讀為智

率羣臣百吏而相與彊君橋君

彊其亮切橋與矯同屈也

君雖

不安不能不聽遂以解國之大患除國之大害成於尊

君安國謂之輔

事見平原君傳

有能抗君之命竊君之重反君

之事以安國之危除君之辱功伐足以成國之大利謂

之拂

抗拒也戰功曰伐左傳郤至驟稱其伐拂讀為弼弼所以輔正弓弩者也或讀為佛違君之意也謂

若信陵君違魏王之命竊其兵符殺晉鄙反軍不救趙之事遂破秦而存趙夫輔車相依今趙存則魏安故曰

安國之危除君之辱也

故諫爭輔拂之人社稷之臣也國君之寶

也明君之所尊厚也而闇主惑之以為已賊也故明君

之所賞闇君之所罰也闇君之所賞明君之所殺也伊

尹箕子可謂諫矣

伊尹諫太甲箕子諫紂

比干子胥可謂爭矣平

原君之於趙也可謂輔矣信陵君之於魏也可謂拂矣

傳曰從道不從君此之謂也故正義之臣設則朝廷不

頗

設謂置於列位頗邪也

諫爭輔拂之人信則君過不遠

信謂見信於君

或曰信讀為伸謂道行也

爪牙之士施則仇讎不作

爪牙之士勇力之臣也施謂展

其材也

邊境之臣處則疆垂不喪

喪與陞同

故明主好同而闇

主好獨

獨謂自任其智

明主尚賢使能而饗其盛

盛謂大業言饗其臣之功

業也

閻主妬賢畏能而滅其功

滅掩沒也

罰其忠賞其賊夫是

之謂至閻桀紂所以滅也事聖君者有聽從無諫爭

聖君

無失

事中君者有諫爭無諂諛

中君可上可下若齊桓公者也諂諛則遂成閻君也

事暴君者有補削無撓拂

補謂彌縫其闕削謂除去其惡言不敢顯諫閻匡教之也

撓謂屈其性也拂違也撓拂則身見害使君有殺賢之名故不為也拂音佛

迫脅於亂時窮

居於暴國而無所避之則崇其美揚其善違其惡隱其

敗言其所長不稱其所短以為成俗

謂危行言遜以避害也以為成俗言

如此而不變若舊俗然也

詩曰國有大命不可以告人妨其躬身此

之謂也詩逸恭敬而遜聽從而敏不敢有以私決擇也謂敏

承命而速行不敢更私自決斷選擇也不敢有以私取與也以順上為志

是事聖君之義也但稟命而已忠信而不諛諫爭而不諂撝

然剛折端志而無傾側之心撝彊貌禮記曰和不流彊哉矯剛折則直面折也

端志不邪曲也是案曰是非案曰非是事中君之義也調而不

流柔而不屈寬容而不亂雖調和而不至流涵雖柔從而不屈曲雖寬容而不與為

也亂曉然以至道而無不調和也曉然明喻之貌至道無為不爭之道以至道則

暴君不能加怒無不調和言皆不違拂也而能化易時開內之是事暴君之

義也

開當為開傳寫誤也內與納同言既以冲和事之則能化易其暴戾之性時以善道開納之也或曰

以道開通於

君之心中也

若馭撲馬

撲馬未調習之馬不可遽奔制必縱緩之事暴君之難故重明

也若養赤子

赤子嬰兒也未有所以必在順適其性不驚懼也

若食餒人

使饑渴於

至道如餒人之欲食或曰餒人併與之食則必死今以善道節量與之不使狂惑也莊子曰人惑則死

故

因其懼也而改其過

懼則思德故因使其改過

因其憂也而辨其故

辨其至憂之端則遷善也

因其喜也而入其道

忻喜之時多所聽納故因以道入之

其怒也而除其怨

怨惡之人因君怒除去之也

曲得所謂焉

雖憂懼喜怒之

殊委曲皆得所謂所謂即化易君性也

書曰從命而不拂微諫而不倦為

上則明為下則遜此之謂也

書伊訓也

事人而不順者不疾

者也

不順上意也疾速也疾言怠慢也

疾而不順者不敬者也敬而不

順者不忠者也忠而不順者無功者也有功而不順者

無德者也故無德之為道也傷疾墮功滅苦故君子不

為也

傷疾墮功滅苦未詳或恐錯誤耳為或為達也

有大忠者有次忠者有下

忠者有國賊者以德復君而化之大忠也

復報也以德行之事報白

於君使自化於善周禮宰夫掌諸臣之復萬民之逆也

以德調君而補之次忠也

謂匡救其惡也

以是諫非而怒之下忠也

使君有害賢之名故為下忠

不恤

君之榮辱不恤國之臧否偷合苟容以之持祿養交而已耳國賊也若周公之於成王也可謂大忠矣若管仲之於桓公可謂次忠矣若子胥之於夫差可謂下忠矣

若曹觸龍之於紂者可謂國賊矣

說苑曰桀貴為天子富有天下其左師觸

龍者諂說不正此云紂未知孰是

仁者必敬人凡人非賢則案不肖也

人賢而不能則是禽獸也

禽獸不知敬賢

人不肖而不敬則是

狎虎也

狎輕侮也言必見害

禽獸則亂狎虎則危災及其身詩曰

不敢暴虎不敢馮河人知其一莫知其佗戰戰兢兢如

臨深淵如履薄冰此之謂也

詩小雅小旻之篇暴虎馵

知其佗言人皆知暴虎馵河立至於
害而不知小人為害有甚於此也

故仁者必敬人敬

人有道賢者則貴而敬之不肖者則畏而敬之賢者則

親而敬之不肖者則疎而敬之其敬一也其情二也若

夫忠信端慤而不害傷則無接而不然 是仁人之質也

其敬雖異至於忠信端慤不傷害則凡所接物皆然言
嘉善而矜不能不以人之不肖逆詐待之而欲傷害之

也質也忠信以為質端慤以為統統綱紀也言已端禮義

以為文用為文飾倫類以為理

倫人倫類物之種類言推
近以知遠以此為條理也喘

而言騰而動而一可以為法則

騰與勸學篇矯同喘微言也騰微動也一皆也

言一動一息之間皆可以為法則也騰人元反

詩曰不僭不賊鮮不為則此之

謂也

詩大雅抑之篇言不僭差賊害則少不為人法則矣

恭敬禮也調和樂也

和調

不爭競也

謹慎利也鬪怒害也故君子安禮樂利謹慎而無

鬪怒是以百舉不過也小人反是通忠之順

忠有所壅塞故通之

然而終歸權險之平

權因危險之事使至於平也或曰權變也既不可扶持則變其危險

使治平也禍亂之從聲

君雖禍亂應聲而從之也

三者非明主莫之能知

也闇君不知所以殺害忠賢而身死國亡也爭然後善戾然後功出死無私

致忠而公夫是之謂通忠之順信陵君似之矣

諫爭君然後能

善達侯君然後立功出身死戰不為私事而歸於至忠至公信陵君諫魏王請救趙不從遂矯君命破秦而魏

國以安奪然後義殺然後仁上下易位然後貞

奪者不義之名

殺者不仁之稱上下易位則非貞也而湯武惡桀紂之亂天下而奪之是義也不忍蒼生之塗炭而殺之是仁也雖上下易位而使賢愚各當分歸於正道是貞也功參天地澤被生民夫是之

謂權險之平湯武是也過而同情和而無經

經常也但和順上意

而無不恤是非不論曲直偷合苟容迷亂狂生

迷亂其君使生

也狂夫是之謂禍亂之從聲飛廉惡來是也傳曰斬而齊

枉而順不同而壹

此言反經合道如信陵湯武者也所以斬之取其齊也以枉曲之取其順

也所以不同取其一也初雖似乖戾然終歸於理者也

詩曰受小球大球為下國

綴旒此之謂也

詩商頌長發之篇球玉也鄭玄云綴猶結也旒旌旗之垂者言湯既為天所命

則受小玉謂尺二寸圭受大玉謂珽也長三尺執圭搢珽以與諸侯會同結定其心如旌旗之旒摻著焉引此

以明湯武取天下權險之平為勅下國者也

致仕篇第十四

明致賢士之義

衡聽顯幽重明退姦進良之術

衡平也謂不偏聽也顯幽謂使幽人明顯不掩

蔽也重明謂既明又使明也書曰德明惟明能顯幽則重明矣能退姦則良進矣

明黨比周之

譽君子不聽殘賊加累之諧君子不用

殘賊謂賊害人加累以罪惡加

累誣人也

隱忌雍蔽之人君子不近

隱亦蔽也忌謂妬賢雍讀曰推

貨財禽

犢之請君子不許

行賂請謁者也

凡流言流說流事流謀流譽

流愬不官而衡至者君子慎之

流者無根源之謂愬諧也

讀為橫橫至橫逆而至也

聞聽而明譽之

君子聞聽流言流說則明白稱譽謂顯露其事不為

不取獻其謀也

定其當而當然後士其刑賞而還與

之士當為事行也言定其當否既當之後乃行其刑賞

之以刑當

如是則姦言姦說姦事姦謀姦譽姦愬莫之

丁浪反

荀子
卷九

九

試也忠言忠說忠事忠謀忠譽忠愬莫不明通方起以

尚盡矣

明通謂明白通達其意方起並起尚與上同上盡謂盡忠於上也

夫是之謂衡

聽顯幽重明退姦進良之術川淵深而魚鼈歸之山林茂而禽獸歸之刑政平而百姓歸之禮義備而君子歸之故禮及身而行修義及國而政明能以禮挾而貴名

白天下願令行禁止王者之事畢矣

挾讀為決能以禮決洽者則貴明白

天下皆願從之詩曰惠此中國以綏四方此之謂也

詩大雅民勞之篇中

國京師也四方諸夏也引此以明自近及遠也

川淵者魚龍之居也山林者鳥

獸之居也國家者士民之居也川淵枯則魚龍去之山林險則鳥獸去之國家失政則士民去之無土則人不安居無人則土不守無道法則人不至無君子則道不舉故土之與人也道之與法也者國家之本作也

本作猶本

也務

君子也者道法之樞要也不可少頃曠也得之則治

失之則亂得之則安失之則危得之則存失之則亡故有良法而亂者有之矣有君子而亂者自古及今未嘗聞也傳曰治生乎君子亂生乎小人此之謂也得衆動

天

得衆則可以動天
人之所欲天必從之

美意延年

美意樂意也無
憂患則延年也

誠信

如神

誠信則如神明
言物不能欺也

夸誕逐魂

逐魂逐去其精魂備喪
精也務夸妄誕作偽心

勞故喪其精魂此四
者皆言善惡之應也

人主之患不在乎不言用賢而在

乎誠必用賢夫言用賢者口也却賢者行也

無善行則
賢不至也

口行相返而欲賢者之至不肖者之退也不亦難乎夫

耀蟬者務在明其火振其樹而已火不明雖振其樹無

益也

南方人照蟬取而食
之禮記有蜩范是也

今人主有能明其德則天下

歸之若蟬之歸明火也臨事接民而以義變應寬裕而

多容恭敬以先之政之始也

多容廣納也

然後中和察斷以

輔之政之隆也

政之崇高在輔以中和察斷斷丁亂反

然後進退誅賞之

政之終也故一年與之始三年與之終

夫不教而殺謂之虐故為政之

始寬裕多容三年政成然後進退誅賞也

用其終為始則政令不行而上下

怨疾亂所以自作也

先賞罰後德化則亂

書曰義刑義殺勿庸以

即汝惟曰未有順事言先教也

書康誥曰雖義刑義殺亦勿庸即行之當先教

後刑也雖先後不失尚謙曰我未有順事故使民犯法躬自厚而薄責於人也

程者物之準也

程者度量也

禮者節之準也

節謂君臣之差等也

程以立數禮以定

倫言有程則可以立一二之數有德以叙位能以授官

度其德以叙上下之位考其能以授所任之官若變典樂伯夷典禮之比也

凡節奏欲陵而

生民欲寬

節奏謂禮節奏陵峻也侵陵亦嚴峻之義生民謂以德教生養民也言人君自守禮之節

奏則欲嚴峻不弛慢養民則欲寬容不迫切之也

節奏陵而文生民寬而安

節奏

雖峻亦有文飾不至於刻急

上文下安功名之極也不可以加矣君

者國之隆也父者家之隆也

隆猶尊也

隆一而治二而亂自

古及今未有二隆爭重而能長久者師術有四而博習

不與焉

術法也言有四德則可以為人師法不在博習也與音預

尊嚴而憚可以為

師者父而信可以為師

五十曰父六十曰者

誦說而不陵不犯可

以為師

誦謂誦誦經說謂解說謂守其誦說不自陵突觸犯言行其所學

知微而論可以

為師

知精微之理而能講論虛因反

故師術有四而博習不與焉水

深則回

回流旋也水深不湍峻則多旋流也

樹落糞本

謂木葉落糞其根也

弟子通

利則思師

思其厚於已也

詩曰無言不讎無德不報此之謂也

此言為善則物必報之也

賞不欲僭刑不欲濫賞僭則利及小人刑

濫則害及君子若不幸而過寧僭無濫與其害善不若

利淫

此言為善則物必報之也



荀子卷九